



**41 yias**  
Independens  
raun wantaim  
stail - P14 - 15

## Business Printing Specials

Conditions: - Printing only, editing / artwork fees may apply - 4pm next day Pick up (Mon-Fri)

**Common Seal Stamp**  
(Customer must produce Certificate of Incorporation)  
**K66**  
inc GST

**200 x Business Cards**  
(single sided)  
**K99**  
inc GST

**500 x Colour Letterheads**  
**K220**  
inc GST

Prices valid until 31st October 2016

Only at...

**THEODIST LTD**  
THE STATIONERY SUPERMARKET

Waigani Drive, POM  
Ph: 313 9800  
sales@theodist.com.pg

Markham Road, LAE  
Ph: 472 5488  
saleslae@theodist.com.pg

# Tupela memba i kros

TUPELA biknem lida bilong nesanel kapital siti bilong kantri i kros long nem bilong ol manmeri Motu – Koita.

Minista bilong Helt Michael Malabag na Gavana bilong Nesanel Kapital Distrik (NCD) Powes Parkop i kros long nem bilong ol manmeri Motu-Koita, husat i asples pipel bilong Pot Mosbi siti.

Minista Malabag i no wanbel long Gavana Parkop i no givim wanpela opis spes long larim Motu-Koita Asembli (MKA) i stap.

Em i tok autim dispela belhevi bilong em taim em i givim K50,000 long MKA long ranim biknem so, Hiri Moale Festival long Septemba 30 i go inap Oktoba 1.

Mista Malabag i tok Mista Parkop na Praim Minista Peter O'Neill i mas soim rispek long ol asples manmeri bilong Pot Mosbi siti, ol Motu Koita manmeri, na i no ken mekim ol i luk olsem 'bega long graun bilong ol yet'.

Mista Parkop i tok Mista Malabag i no ken opim maus nating na toktok long dispela samting taim ileksen i kam klostu long neks yia.

"Mista Malabag mas stopim kain ol politiks toktok bilong em na painim ol rot bilong stretim dispela hevi bilong MKA," Mista Parkop i tok.



Gavana bilong NCD Powes Parkop



Minista bilong Helt Michael Malabag

MKA i no gat wanpela opis bilong ol yet long taim ol konstrak-sen wok i bin kamap long Sir

Hubert Murray Stadium long Kone na i rausim olupela opis bilong ol. Ol i bin operet long strit na long

as bilong ol diwai bikos ol i no gat opis. Mista Malabag i laikim Gavana

Parkop i givim olupela City Hall bilding long Waigani long MKA.

Tasol Mista Parkop i tok MKA i nidim moa fanding long Nesanel Gavman na i no ken lukluk go antap long han bilong NCD tasol.

"Mista Malabag em i wanpela senia kabinet minista bilong gavman. Em i mekim wanem long helpim ol pipel bilong em long Motu-Koita?"

"Em i stap nating long Palamen insait long dispela foapela yia na nau taim ileksen i kam klostu em i laik ekting olsem tru em i gat tingting long ol pipel bilong em," Mista Parkop i tok.

Mista Parkop i tok Mista Malabag i bin wok olsem Komisina long bod bilong NCDC tasol em i no bin raitim wanpela sabmisen i go long NCD o Nesanel Gavman long kisim mani bilong helpim MKA.

"Long 12-pela yia olgeta em i bin stap olsem komisina long NCDC bod. No gat wanpela gutpela samting em i mekim long helpim MKA," Mista Parkop i tok.

Em i tok NCDC bod i bin wanbel long mekim ol mentenens wok long olupela City Hall bilding long larim ol tripela memba bilong Pot Mosbi na MKA i gat opis long yusim na mekim wok.



## BE A LUCKY WINNER TODAY!

### CHECK-IN FAST! CHECK-IN ONLINE!

Be in the draw for a chance to win a trip for 2 to Pohnpei, Federated States of Micronesia, with accommodation. Be a smart traveller and check in Online today!

Avoid the airport queue! Online Check-in is available on [www.airniugini.com.pg](http://www.airniugini.com.pg) from 24 hours to 3 hours before departure. Not available for flights departing Australia and Japan.



**Air Niugini**  
[www.airniugini.com.pg](http://www.airniugini.com.pg)

Check-in Online & Win  
3 x draws! Oct, Nov & Dec



# Harmony Gold kamap 100 pesen divelopa bilong Hidden Veli

James G. Kila i raitim

**HARMONY Gold Main-ing Kampani bilong Saut Afrika nau em 100 pesen divelopa bilong Hidden Valley Gol Pro-jek long Morobe provins.**

Dispela i bin kamap bihain long joint vensa patna bilong en long Hidden Valley projek, Newcrest i salim 50 pesen sea bilong en i go long Harmony Gold Maining kampani. Insait long wanpela

riplot i kamaut long Newcrest long las wiken i go long Pot Mosbi Stok Eksens (POMSOX) kampani i tokaut olsem ol i wan-bel long salim 50 pesen sea bilong ol long projek i go long Harmony.

Olgeta pepa-wok long dispela senis na salim bilong sea em bai go long han bilong Saut Afrika long givim tok orait bihain.

Menesing dairekta bilong Newcrest na Sif Eksekutiv Opisa, Sandep Biswas i tokaut

olsem bihain long ol i skelim wok bilong ol long Hidden Valley projek, kampani i pasim tingting olsem em moa-beta ol i mas lusim na givim moa taim long ol arapela wok bilong ol long lukim seif na winmani i kamap.

Mista Biswas i tok olsem Newcrest bai go het olsem patna wantaim Harmony long bikpela Wafi-Golpu gol na kopa projek long Morobe provins.

Harmony Gold em namba tri bikpela gol

maining kampani long Saut Afrika, na em namba 12 bikpela kampani long wol insait long wok. Em i stap namba faiv olsem bikpela produsa bilong gold long wol.

Harmony Gold wantaim ol han kampani bilong em i save karimaut wok long digim gol aninit na antap long graun na tu wokim ol bikpela wok long main-ing olsem eksplorasin, prosesing, smelting na refining.



Newcrest i salim 50 pesen sea bilong Hidden Valley Projek.

# Wol bai putim ai long PNG gen long 2018



**APEC bung bilong ol Fores minista bilong Pasifik.**  
*Poto: Intanet*

WOL bai putim ai long PNG taim kantri i holim sampela bikpela bung long dispela yia, neks yia na long yia 2018, Praim Minista Peter O'Neill i tok.

Mista O'Neill i tok PNG bai holim sampela ol bikpela forum na bung namel long dispela yia na yia 2018 na long statim dispela, bikpela wokklas FIFA Women's Under 20 Soccer World Cup bai kamap bihain long tupela mun tasol.

"Bai yumi tok welkam long ol poroman bilong yumi long arapela kantri husat bai kam raun long PNG.

"Planti TV stesin long ol arapela kantri bai lukim yumi na stailpela pasin tumbuna bilong yumi bai stap long ai bilong wol," Mista O'Neill i tok.

Em i tok neks yia,

PNG bai holim Ragbi Lig Wok Kap na dispela em i wanpela gutpela sans long PNG i ken soim amamas bilong em long namba wan nesanel spot, ragbi lig.

"Long yia 2018, kantri bilong yumi bai holim bikpela bung bilong APEC.

"Dispela i no wanpela miting tasol. Em i moa long 200 miting na bai kamap long Pot Mosbi na long arapela hap bilong kantri bilong yumi.

"Pinis bilong dispela bung bai APEC Lidas Samit long Novemba 2018 we bikpela bung bai kamap," Mista O'Neill i tok.

Em i tok taim PNG i holim APEC bung long 2018, ol Presiden na Praim Minista bilong Amerika, Saina, Japan, Russia na Saut Korea bai kam long Pot Mosbi.

"Bai yumi tok welkam

long ol poroman bilong yumi long Pasifik Ailan olsem spesel ges bilong yumi long dispela taim.

"Dispela bai wanpela sans long ol biknem wol lida bai kam raun long kantri bilong yumi na skelim manmeri, ples na kalsa bilong PNG," Mista O'Neill i tok.

Mista O'Neill i tok planti manmeri i kam long arapela 20 APEC memba kantri bai kam long PNG long dispela taim na bungim na lukim ol manmeri bilong dispela kantri.

"Dispela bung bai no inap kamap long Pot Mosbi tasol. Sampela bung bai kamap long Hailans na sampela bai kamap long Niugini Ailans rijon, bikos bung ya bai karamapim wan wan sekta olsem Tmarin risos, egrikalsa, maining, turisim na arapela sekta," Mista O'Neill i tok.

# Kot givim oda long kaunim gen Kandep balot pepa

ILEKTORAL Komisn stat kaunim gen ol balot pepa bilong Kandep Open sia long Trinde long dispela wik, Illektoral Komisina Patalias Gamato i tok.

Memba bilong Kandep, Don Polye, i bin traimit long stopim Illektoral Komisn i kaunim ol balot pepa wantaim Suprim Kot oda tasol dispela i no inap bikos tripela jas i painimaut olsem Illektoral Komisn i asua taim ol i no bin

kaunim faivpela balot bokis.

Pastaim Suprim Kot Jas, Jastis Stephen Kassman, i bin stopim Illektoral Komisn long kaunim dispela faivpela balot bokis, na dispela i bin lukim Mista Polye i stap yet olsem Memba bilong Kandep.

Tasol long las wik, Suprim Kot i tokim gen Illektoral Komisn long kaunim gen dispela faivpela balot bokis.

Kendidet husat i kam

seken em i Alfred Manase, husat i bin kisim Mista Polye i go long kot inap nau taim tripela jas bilong Suprim Kot – Jastis Allen David, Jastis Jacinta Murray na Jastis Frazer Pitpit – i painimaut olsem Suprim Kot apil bilong Mista Manase i gat gutpela as long kot i ken lukluk go insait.

Ol dispela tripela jas i painimaut olsem Illektoral Komisn i bin bihainim lo taim ol i no

bin kaunim dispela ol faivpela balot bokis.

Dispela tripela jas i rausim gen disisen bi-tripela jas bilong long wan-men bens, Jastis Kassman, husat i bin stopim Illektoral Komisn long kaunim gen ol balot pepa i stap insait long dispela faivpela balot bokis.

Suprim Kot i givim gen 30 de long Illektoral Komisn long kaunim olgeta balot pepa i stap insait long dispela faivpela balot bokis.

# Wol luksave long PNG

WOL i givim pinis bikpela luksave long Papua Niugini (PNG) olsem wanpela gutpela kantri we i wok long gro strong moa insait long sotpela taim tasol.

Praim Minista Peter O'Neill i autim dispela toktok long las wik Fraide long taim bilong apim plak bilong PNG long makim namba 41 Indipendens De long Indipendens Hil long Nesanel Palamen long Pot Mosbi.

Long ai bilong planti ol senia gavman minista, ol ambaseda na hai komisina, ol bisnis komyuniti na arapela ol manmeri, Mista O'Neill i tokaut olsem planti manmeri long wol i save pinis long PNG na planti manmeri husat i no bin save long PNG,



**Praim Minista Peter O'Neill**

nau i wok long lukim na harim planti gutpela stori long kantri bilong yumi.

"Tude, mi amamas long sanap long hia na tokim yupela olsem, planti manmeri long wol i luksave long kantri bilong yumi. Ol manmeri husat i no bin save long mipela, nau i luksave long

mipela pinis.

"Ol manmeri husat i bin harim olsem kantri bilong yumi i pulap long ol trabel na ol hevi long 1980 na 1990 i kam olsem, nau i wok long harim planti gutpela stori olsem PNG i pulap long gutpela samting.

"Ol investa i wok long luksave olsem PNG em i gutpela na seif kantri long inves na mekim bisnis.

"Taim ol prais bilong ol komoditi long intanesenel maket i wok long pundaun isi isi, ol investa i wok long kam insait long kantri bilong yumi long inves na mekim bisnis bikos ikonomi bilong PNG i wok long groa," Mista O'Neill i tok.



## Bai yu mekim planti moa skon na kamapim moa moni

Mekim ol skon bilon maket wantaim flour ol trupla lain bilong bakeri save usim





## Tkatchenko opim nupela komyunti asosiesen

KOBILAKU komyuniti bilong Ragamuga maunten long 6-Mail, Pot Mosbi i opim wanpela nupela asosiesen bilong ol lukautim ples na bringim nupela sevis i kam insait.

Nem bilong dispela asosiesen em i Kobilaku Clan Association na ol i bin opim long las wik Sande.

Minista bilong Spots na Memba bilong Mosbi Saut, Justin Tkatchenko i bin kamap na opim dispela nupela asosiesen.

Moa long 100 manmeri insait long Saraga komyuniti long 6-Mail i bin kam lukim dispela lonsing.

Presiden bilong asosiesen, James Sul, i tok as bilong kam-paim dispela asosiesen em long

kisim taitel bilong graun we ol i stap long en, kisim i kam insait kain ol namba wan sevis olsem wara na pawa saplai, long stopim pasin raskol na daunim hevi bilong lo na oda insait long komyuniti.

Minista Tkatchenko i tok tenkyu long ol pipel long ilektoret bilong em i mekim dispela kain gutpela pasin long bringim gutpela senis na kisim sevis i kam insait long eria.

“Mi tok tenkyu long ol manmeri na famili bilong yumi hia long Saraga long kamapim dispela asosiesen. Dispela asosiesen bai kamap olsem hausman we yumi ol lida long komyuniti na nesenel level bai bung

aninit long en na tok tok long bringim nupela sevis na developmen,” Mista Tkatchenko i tok.

Em i tok em i redi long wokbung wantaim presiden Mista Sul long helpim ol manmeri i skelim graun na kisim taitel.

“Pawa na wara em i namba wan sevis. Mi bai wok bung wantaim ol lida bilong komyuniti na kisim ol dispela sevis i kam.

“Mi laik askim ol yangpela man long hia i no ken smokim mariwana na dring stim. No ken mekim raskol pasin. Yumi mas senisim pasin aninit long dispela asosiesen na bringim gutpela samting i kam insait long komyuniti,” Mista Thatchenko i tok.

# Stopim pait na kisim gan kam aut

**FAINENS Minista James Marape i singautim ol man bilong statim pait na arapela ol man long Hela husat i gat gan long givim gan bilong ol long polis na stopim pait.**

Mista Marape, husat i memba bilong Tari-Pori, i mekim dispela singaut long las wik Fraide long Tari taun taim em i bungim ol manmeri long amamasim namba 41 in-dipendens de bilong kantri.

Planti manmeri i binting Minista Marape bai ranim wanpela bikpela so long amamasim ol manmeri tasol em i bin kamapim wanpela bikpela bung lotu long Tari taun long 16 Septemba.

Mista Marape i tok as bilong trabel pasin long Tari taun em stap long pasin bilong kilim man wantaim ol gan na statim pait.

“Mi singautim olgeta man husat i gat gan long kisim i kam aut. Givim ol dispela gan yupela i holim i go bek gen long han bilong polis.

“Pait na trabel i wok long bagarapim ples bilong yumi. Mi no wanbel long ol bikman na lidaman long Hela i wok long baim ol gan na kisim i kam insait long Tari na



Planti gan i pulap long Hela.

bagarapim laip na propeti bilong ol manmeri,” Mista Marape i tok.

Mista Marape i tok Hela i mas putim Papa God i go pas long olgeta samting bikos Satan i wok long bagarapim laip bilong ol manmeri.

“Hevi bilong lo na oda em i wanpela bikpela hevi yumi gat long provins. No gat wanpela man bai kam long ausait na stretim hevi bilong yumi,” Mista Marape i tok.

Em i tokim ol yangpela man i no ken smokim spakbrus, stopim pasin bilong dring stim na paia wara, na no ken mekim pasin raskol.

“Mi les long harim wanpela trabel i kamap long Tari taun. Mi les long lukim ol man i holim gan na kirapim nupela pait. Dispela pasin i mas stop nau,” Mista Marape i tok.

Em i tok rot bilong statim nupela laip na gutpela laip wantaim bel isi na gutpela pasin em i long putim lotu i go pas.

“God i gat pawa long

givim yumi gutpela sindaun na bel isi. Em i gat pawa long stopim pait na mekim ples i kamap gutpela,” Mista Marape i tok.

Em i tok lo na em i wanpela samting we olgeta manmeri insait long komyuniti i mas wokbung wantaim long stretim.

Las wik, Memba bilong Komo-Margarima, Francis Potape, i singaut long ol man long stopim pait na kamapim pasin bilong bel isi insait long sosaiti.

Mista Potape i bin winim sia bilong Gavana bilong Hela long las wik Tunde taim ol memba bilong Hela Provinsal asembli i makim em i kamap nupela ekting gavana.

Mista Potape i tok provinsal gavman i givim K1 milien long stopim ol pait na trabel long ples.

“Mi laik tokaut olsem provinsal gavman i givim dispela mani long stopim ol pait i kamap arere long Tari taun,” Mista Potape i tok.

Memba bilong Koroba-Lake Kopiago, Philip Undi-

alu, i bin laikim Nesenel Gavman long kamapim wanpela bikpela stet ov imejensi long olgeta hap long Hela Provins tasol Mista Potape, husat i kamap nupela ekting Gavana, i tok Hela i no nidim SoE.

Mista Marape i laikim Nesenel Gavman long kamapim SoE tasol i luk olsem gavman i sot long mani long ranim SoE bikos Praim Minista Peter O’Neill i no bekim wanpela gutpela toktok.

Minista Marape nau i singautim ol man long kisim ol gan i kam ausait na givim long polis.

Em i tok sefti bilong PNG LNG Projek bai no inap stap gut sapos ol man i yusim gan long mekim trabel pait na kilim wanpela na narapela i go kam.

Em i tok tu olsem planti ol manmeri husat i laik mekim bisnis long Hela i pret taim ol i harim ol ol manmeri long Tari taun i wok long kilim ol yet i go kam.

“Hela i nidim ol investmen. Mipela ol lida na manmeri i mas helpim ol investa long kam insait na mekim bisnis, na helpim developmen bilong provins,” Mista Marape i tok.

## Sir Leo laik kamapim klin eneji projek

DEPUTI Praim Minista Sir Leo Dion i laik kirapim wanpela bikpela jiotemal pawa projek insait long Is Nu Briten provins.

Jiotemal pawa em i pawa i kam long hot bilong graun o wara, na long Rabaul hot bilong volkeno i ken kamapim jiotemal pawa.

Sir Leo i tokim ol manmeri long Rabaul olsem

em bai strongim sait long nesenel level long larim Is Nu Briten i kirapim wanpela bikpela jiotemal pawa projek long Rabaul.

Wanpela grup bilong Is Nu Briten i bin go lukim ol jiotemal pawa projek long wanpela kantri long Yurop ol i kolim Iceland.

Dispela grup i bin go lukim olsem wanem Iceland i wok long yusim jiotemal eneji long

bringim developmen na kirapim kantri.

“Sampela polisi bilong gavman i no stap stret long larim dispela projek bilong kirapim klin eneji i kamap long kantri.

“Bai mi strongim kona na pusim dispela agenda long gavman. Yumi mas kamapim dispela klin eneji projek long Rabaul,” Sir Leo i tok.

Em i tok provinsal gavman i nidim K4 milien tasol long kirapim dispela projek tasol ol wok manmeri long provins i no yusim gut mani.

“Provins bilong yumi i save kisim K20 milien long olgeta yia. Askim bilong mi em olsem. Yumi mekim wanem samting wantaim dispela mani?” em askim.



Minista bilong Spots na Nesenel Iven, Justin Tkatchenko, i opim nupela Kobilaku Clan Association. POTO: JAMES TARA

## SMART SOLUTIONS FOR SMALL BUSINESS

“With the **BSP Smart Business Package**, I offer the right mix of payment options for my customers; **EFTPoS, Mobile and Internet Banking** and I use a **Smart Business Debit Card** for my supplier payments.

Plus, the **Smart Business** current account provided transaction records that were used to support my **BSP Smart Business Loan** application to help me expand my Business.”

**Helen Victor**  
Owner of Zoenani Gas Ltd  
BSP Smart Business customer



WE ARE **BSP**



# UN singaut long SDG Yut Sempion nominesen

**YUMI** selebretim o namba wan eniveseri bilong wanbel namel long ol wol lida long kamapim ol 17 Sastenebel Developmen Gol (SDG) long dispela mun, na Yunaited Nesens (UN) long Papua Niugini wantaim ol patna ejensi i kamapim wanpela nupela pletfom long ol yangpela lida man na meri, long kamap 'Yut

**Sempion 4 SDG' kempein'.**

Dispela singaut i go long olgeta hap bilong kantri long painim ol yangpela Papua Niugini man na meri husat i go het long wok bilong strongim ol SDG long ol ples nabaut.

Insait long Papua Niugini we moa long 30 pesen bilong populesen i gat kris-mas namel long 10 na 24 olsem na yumi mas yusim

ol yangpela lain olsem ol ejen o namel man we bai go het long kamapim ol global devel-opmen mak bilong 2030.

Yunaitet Nesens i lukim ol yangpela pipel olsem ol lain bilong bihain we i gat strong long mekim wok nau wantaim wanpela kain bilip we ol i gat long mekim wok olsem ol mausman na mausmeri bilong kamapim senis. Wantaim strong na nupela kain tingting bilong ol, ol yangpela pipel inap long senisim kantri i go kamap moa helt, seif, ik-witabel na sastenebel ples olsem ol SDG i tok.

UN i bilip olsem i gat planti yangpela sempion i stap insait long kantri husat i bin givim ol yet long stretim sindaun bilong ol sosaiti bilong ol. Opisal luksave bilong Yut Sempion 4 SDG inisativ inap long kirapim tingting bilong ol long go het wantaim ol wok bilong ol na long senisim ol narapela yangpela pipel. Bel kirap na amamas bilong ol inap long senisim tingting bilong ol lain husat i save mekim disisen na helpim olyu na ol pablik long save gut long mining bilong ol SDG.

Singaut nau i go long aplikesen long kam long ol yan-

pela pipel husat i gat kris-mas namel long 18 na 30 na kamapim sampela wok pinis aninit long ol SDG. Kain olsem, ol wok bilong pinisim poveti o i no gat samting tru, strongim helt, skulim ol pipel, kamapim jenda ikwaliti, daunim hevi bilong klaimet senis, long lukautim envairomen, long daunim pasin bilong resis long nem na namba, o long kamapim gutpela sosaiti we i gat bel isi na gutpela sindaun.

Husat ol yangpela sempion we ol bai makim, em bai ol i kisim luksave bilong UN, ol bai kisim sans long toktok long planti hap, long toktok

bilong SDG long pablik, na ol i ken go mekim wok bilong UN long ol narapela kantri ausait long PNG.

Husat yangpela i laik putim aplikesen ol i ken rait long email bilong UN long un.pg@one.un.org, o go insait long Fesbuk bilong Yunaited Nesens long Papua Niugini pes. Ol nominesen bai pas long 30 septemba 2016.

Dispela wok em i kamap long patnasip namel long UN long Papua Niugini, Nesanel Kepital Distrik, Yut Des, Traibe FM, Seif Motherhood Alaiens, The Voice inc., na Yangpela Meri Kristen Asosiesen.

## Muthuvel givim mani long skul



Mista Muthuvel i tok dispela mani bai go long helpim Lavege Praimeri Skul i baim ol samting long kirapim nupela klasrum.

Mista Muthuvel i tok provinsal gavman bai givim K50, 000 moa long bihain taim.

Em i bin pul i go long Lavege long kanu na em i tok no gat rot i mekim ples ya i hat long ol manmeri i go kam long kisim gavman sevis.

Mista Muthuvel i raun long hap na skelim olsem ol pipel bilong em long dispela ples i nidim gutpela rot, skul kar na mentenens bilong liklik haus sik.

Em i tok tenkyu long ol pipel i lukautim gut ol gavman sevis.

**Gavana bilong Wes Nu Briten Provins, Sasindran Muthuvel**  
WES Nu Briten Gavana Sasindran Muthuvel i givim K10, 000 long wanpela skul i stap long lasples long Hoskins LLG.  
Gavana Muthuvel i givim K100, 000 long Lavege Praimeri Skul skul i ken kirapim nupela klasrum na baim arapela ol nid bilong skul.

## Bavaroko Primari kisim buk pensil

**Paul Zuvani i raitim**

**BAVAROKO** Praimeri Skul long Nesanel Kapitel Distrik bai kisim K20,000 mani mak bilong ol buk pensil long lain long Tem 4.

Wantaim ol sumatin em ol wok samting bilong ol tisa.

Dispela em ol tiusen fi fri (TFF) skul komponen we Edukesen Dipatmen i givim mani long wan wan skul.

Aste Tried Pasifik, kampani we Dipatmen i makim long givim dispela ol samting, i kamap na soim rot we ol skul bai kisim ol samting.

Long ol dispela samting skul i baim tasol K10,000 na kampani i givim narapela K10,000 olsem dinau we skul bai bekim mani bihain.

Wok bilong Gavman i givim mani long Treid Pasifik long givim samting long ol skul i pinis bihain long 2014 na 2015.

Treid Pasifik i tok stat long 2016 i go ol bai wet tasol long oda bilong ol skul bihainim hamas samting ol skul i laikim na mani mak ol i givim.

Long taim bilong soim dispela ol samting, wantaim kampani em ol eduksen opisa long Nenesel Dipatmen na Nesanel Kapitel Distrik i kamap na lukim.

Taim ol sumatin i kisim dispela ol buk pensil, ol bai sain wantaim ol papamama long soim em i tru ol skul i kisim dispela ol samting.

Long taim bilong soim ol samting Maxton Easy, fes asisten seketari, provinsal afeas divisen long Edukesen Dipatmen i tok TFF skul materiel komponen i wanpela bikpela hap plen bilong Edukesen Dipatmen long kamapim kwaliti eduksen.  
Em i tok taim dispela hap i



**Maxton Easy (han sut), fes asisten seketari bilong Edukesen Dipatmen i givim skul samting i go long wanpela Bavaroko Prameri Skul sumatin. Foto: Paul Zuvani**



**Ol tisa wantaim sumatin.**

no gat, planti ol sumatin i no inap long lain gut.

"Papua Niugini i laikim sosaiti we ol i save long rit na rait," Easy i tok.

"Mipela i laik dispela i mas kamap na i wok hat long em.

"Long 2 milien mangi husat i stap long kris-mas bilong skul, 1.6 milien i stap pinis long skul.

"Dispela em bikpela namba i winim namba bilong ol manmeri long sampela Pasifik Ailan kantri.

"Long givim gutpela skul na save long kain namba we sampela skul i stap long bus ples, dispela i bikpela wok," em i tok.

Em i amamas na tok tenkyu long Treid Pasifik long givim ol samting i go long ol skul.

Long amamas long kampani Bavaroko skul bod siaman Jack Ninkama i tok ol bai yusim gut dispela ol samting.

Ninkama i salensim lokal Memba bilong Mosbi Not Is,

Labi Amaiu long sapot bilong em.

Em i tok i gat tripela komponen (hap) bilong kamapim kwaliti eduksen olsem tisa na lain, materiel na infrastraksa.

Em i tok ol i kisim tasol narapela tupela hap tasol long infrastraksa, dispela em Memba i no givim yet.

Em i mekim dispela tok tu long taim skul i redi long kamapim K800,000 skul laibreri.



**Wantok niuspepa i laikim ol eijen insait long Madang, Kimbe, Kundiawa, Wewak, Jiwaka, Tari, Kiunga, Tabubil, Daru, Kerema, Manus, Kavieng na Alotau long salim niuspepa bilong mipela.**

**Mipela i laikim ol Eijen long distributim niuspepa long dispela ol ples antap hariap tru!**

Sapos yu ting yu em rait man o meri long dispela wok, ringim Sekulesen Supavaisor bilong mipela long Fon: **325 2500 o email i kam long: lbents@wantokniuspepa.com**





# PIH Saveman Nias

"I kam long Pacific International Hospital Port Moresby"

Ph: 311 3000 and 799 88000 Website: www.pihpng.com

## Papua New Guinea Joins Worldwide Movement to Raise Awareness of Gynecologic Cancers

On September 25<sup>th</sup>, 2016, Sunday, the Port Moresby community will gather together to join **Globeathon to End Women's Cancers** and raise awareness of below the belt cancers. More than 1200 residents are anticipated to attend an event at **Pacific International Hospital, 3 Mile** that will feature a walk starting at 7:30 AM and ending around 10:30 AM. The walk will start from the PIH Front Parking Area at 3 Mile and will go all the way till the 4 Mile roundabout and back. PIH has arranged for added security, regular Milestone Markers, Emergency Response Team and regular water junctions for the same. Participants will be encouraged to carry placards with inspirational messages on them and proudly show their support for the women all over the world. The walk will end back at PIH with refreshments being served to all participants and a Vote of thanks from the CEO of PIH, Col Sandeep S Shaligram.

Globeathon to End Women's Cancers is a worldwide movement bringing together physicians, patients, caregivers, organizations and everyday people to raise awareness, and ultimately increase early detection and prevention of gynecologic cancers. These cancers impacts women worldwide, accounting for 19 percent of the 5.1 million estimated new cancer cases each year, according to the World Health Organization International Agency for Research on Cancer.

"By joining the Globeathon movement, we are empowering women here at home with the knowledge to help prevent and detect gynecologic cancers early on, when they are more treatable." **Col Sandeep S Shaligram** "These cancers are often difficult to diagnose as most women don't recognize the symptoms. As more women learn and speak about gynecologic cancers with their friends, loved ones and doctors, we are creating a surround sound of awareness that could ultimately save a generation of women."

Port Moresby is joining more than 130 communities in more than 60 countries this September that are celebrating the second-annual Globeathon with local awareness events – from walks to dance performances to rowing competitions to educational seminars. Visit [globeathon.com](http://globeathon.com) to join the movement, share your story, access educational resources and learn about events taking place around the world.

**CONTACT: SAMBIT K MOHANTY**  
+675 7109 7004 | [agm\\_marketing@pihpng.com](mailto:agm_marketing@pihpng.com)

### GLOBEATHON 2016

JOIN THE WALK TO FIGHT WOMEN'S CANCERS!

25  
SEP, 2016

07:30am  
to  
10:30am

Pacific  
International  
Hospital  
at 3 Mile

**COME WALK WITH PIH**  
TODAY TO BUILD  
HOPE FOR  
TOMORROW!

To join Globeathon 2016, kindly contact  
Mr. Anandh Gangadhar  
[anandh\\_marketing@pihpng.com](mailto:anandh_marketing@pihpng.com)  
+675 70317000

Event Flow	
Venue	PIH Campus, 3 Mile, Taurama Road, Port Moresby, Papua New Guinea
Date & Time	25th September 2016, Sunday at 07.30 am
07:30 AM	Gathering of invited members to the event
07:45 AM	Arrival of guests to the stage
08:00 AM	Welcome Address – Dr Mathias Sapuri
08:05 AM	Bouquet Presentation - Col Sandeep S Shaligram, CEO of PIH
08:10 AM	Speech by Guest of Honour
08:15 AM	Speech by First Lady, Ms Lynda- Babao O'Neill
08:20 AM	Globeathon Launching Speech by the Governor General
08:25 AM	Warm up session by McInash Fitness team
08:30 AM	Flagging of walk
09:45 AM	Reach back to 3 Mile PIH Campus
10:00 AM	Tone down session by FazilaBazari Yoga team
10:15 AM	Vote of Thanks by Col Sandeep S Shaligram, CEO PIH



## Faundesen lonsim awenes long pait egensim kensa

**Paul Zuvani i raitim**

PAPUA Niugini Kensa Faundesen bai lonsim Globeathon long pait egensim sik kensa.

Long lonsim dispela awenes Faundesen, bai Faundesen i mekim wanpela wokabaut long Pot Mosbi long dispela Sande, 25 Septemba

Sif Eksekutyutiv Opisa bilong PNG Kensa Faundesen, Dadi Toka i tok ol bai stat wokabaut long Pasifik Intanesenel Haus sik long 3-Mail na i go long Taurama Foodland raunabaut, i go long 4-Mail, Boroko, bihainim Henau Draiv, i go long Laurabada Strit, Pot Mosbi Jeneral Haus sik na go bek long Pasifik Intanesenel Haus sik.

Em i tok Globeathon i stat bi-

long wol grup we i laik mekim awenes long daunim kensa namel long ol meri.

Em i tok las yia inap olsem 1000 manmeri i bin kamap long dispela wokabaut na i bilip wankain namba bai kamap long Sande.

Globeathon i stat long Washington, Amerika na Toka i tok long wol lonsing bai kamap long 60 kantri.

"Mekim awenes i rot o ki bilong ol manmeri husat i tingting o wok long daunim sik kensa i kamap bikpela," Toka i tok.

"Wanpela samting we i mekim ol meri i kisim bikpela hevi long dispela sik em bikos ol i no save gut long kamap bilong sik.

"Taim ol i save ol bai mekim ol samting daunim o pinisim dispela

sik bipo long em i kamap bikpela.

"Moa awenes bai mekim gavman, ol bisnis haus, manmeri long givim moa sapot long sait bilong mani na ol arapela samting olsem."

Em i tok wanpela kimoterapi (chemotherapy), masin bilong sekim kesa na stretim dispela sik, i stap long Angau Haus sik long Lae.

Na dispela masin i no inap long stretim olgeta lain husat i gat kensa long kantri.

Toka i tok long stretim kensa insait long kantri inap wanpela i mas gat olsem K5000. Tasol long go long narapela kantri olsem Manila long Philippines, em mas gat K8000.

"Dispela em bikpela hevi. Na

em i no isi long stretim dispela sik.

"Long dispela as wantaim planti awenes, mipela i bilip ol manmeri bai save long kensa gut.

"Mipela i askim ol meri long sekim bodi bilong ol na stretim hariap taim ol i lukim sain bilong kensa."

Long wankain taim Oro Gavana Gari Juffa i tok long FM 100 Tok Bek So long dispela wik na i tok Gavman i mas givim moa sapot long pait egensim dispela sik na ol arapela moa sik olsem.

Em i tok ol lain olsem ol NGO na ol arapela praivet manmeri i wok hat long pait egensim sik kensa tasol ol i gat mak bilong mekim dispela wok.

"Ol i nogat olgeta strong olsem mani samting bilong daun dispela sik na Gavman wantaim Helt Di-

patmen i no mekim inap wok long daunim dispela sik,' Juffa i tok.

"Em i gutpela ol manmeri i mekim ol wok long daunim dispela sik tasol yumi mas save tu long wanem samting i save kamapim dispela sik na wok hat long daunim kensa," Juffa i tok.

Tasol em i tok bikpela samting em olsem sik kensa i kamap bikos asua bilong man yet.

Juffa i tok kensa i kamap long ol kaikai manmeri i save kisim.

"Gavman i save skelim ol marasin ol kampani i save yusim long mekim ol kaikai na dring o nogat?"

"Yumi mas save long dispela. Planti samting i kam insait long kantri, gavman i no save sekim.

"Sekim ol marasin i stap insait long ol kaikai, dispela Gavman na Helt Dipatmen i no wok hat long stretim," em i tok.



# Precinct i sapotim pablik sevis lidasip

## Pablik sevan i mas gat moa trening

**PASIFIK Lidasip na Gavanens Precinct i wok long sapotim Papua Niugini pablik sevan long yusim ol nesanel pablik sevis polisi long etikal wok o wok bihainim stretpela pasin, na jenda ikwaliti.**



**Ol pablik sevan i stap long Lidasip Precinct Woksop.**

Moa long 80 pablik sevan, praivet sekta na sivel sosaiti i kam long ol provinsal na distrik level bilong gavman i stap long Precinct Daivesiti long Lidasip bilong Besik Sevis Deliveri kos.

Dipatmen bilong Menesmen Deputi Seketeri, Taies Sansan, i tokim ol lain i kisim trening long kamap gutpela lida long lukautim olgeta sitisen long taim ol i bringim ol besik sevis.

“Yumi olsem ol lida i mas wok bung wantaim long stretim sindaun bilong ol pipel bilong yumi. Wok bilong yupela long hia em long lainim wanem samting em i wok bi-

long wanpela lida, long wanem we bai yupela i mekim ol polisi long ol hap bilong wok bilong yupela i wok na long bringim sevis,” Mis Sansan i tok.

Dispela sotpela kos i lukluk long ol we bilong mekim tupela polisi long holim strong pablik sevis rifom ajenda; Jenda Ikwiti na Sosel Inklusen (GESI) Polisi, na Etik

na Velu-Bes-Eksekutiv lidasip na Menesmen fremwok.

Australia Hai Komisen Kaunsela, Jodie McAlister, i toktok strong yet long patnasip name long tupela gavman long sapotim etikel lidasip na gavanens insait long Papua Niugini pablik sevis.

Mis McAlister i tok lidasip em bilong go pas na soim eksampel. Em i tokim ol lain i kisim trening long sanap na brukim banis bilong rabisim ol meri na ol disebel. Pasifik Lidasip na gavanens Precinct em i wanpela wok bung program bilong Gavman bilong Papua Niugini na Australia long promotim etikel lidasip o lidasip wantaim stretpela tingting insait long pablik sekta long nesanel, provinsa na distrik.

OL pablik sevan i mas kisim moa trening long provinsal na distrik bilong ol i ken mekim wok bilong ol projek na program fanding wantaim ol developmen gren gut, Ekting Seketeri bilong Dipatmen bilong Implementesen na Rurel Developmen Paul Sai’i i tok. Mista Sai’i i tok olsem ol wokman na wokmeri bilong gavman long provinsal na distrik i mas kisim gutpela trening bilong lukautim ol pablik mani na long mekim ol ripot long taim na salim i go bek long DIRD.

Mista Sai’i i bin toktok long taim em i kisim ripot bilong K10 milien Distrik Sevis Impruvmen Program akwital ripot bilong Aitape-Lumi Distrik long wik i go pinis.

Sai’i i tok givim moa skil o save long pablik sevis masineri em i bikpela salens long gavman.

“Bilong givim moa save long ol ejensi bilong

mekim wok em i bikpela hevi long gavman na ol i mas stretim long nesanel, sab-nesanel level we bai ol inap long trenim wokman na wokmeri husat bai mekim wok long kamapim moa samting,” Sai’i tok.

“Pablik sevan long provins na distrik i mas kisim trening long wei bilong bungim ol ripot, wokim rekwisisen, projek aidentifikesen na dokumentesen long kisim ol proposal redi long go long provinsal opis o long sentral saplai na tenda bod long lukluk,” em i tok.

Em i tok i gat bikpela nid long daunim namba bilong ol pablik sevan na ol i ken mekim gut ol gavman program na plen.

Mista Sai’i i tok gavman i laik putim bikpela moa mani long fran olsem SIP (PSIP, DSIP na LLGSIP) i go long ol distrik, provins na LLG long ol lain bilong mekim wok i mas gat gutpela save long mekim wok gut.



# PNG Air

**CENTRAL RESERVATIONS**

Phone: + 675 7222 2151 | Fax: + 675 325 4867  
TOLL FREE NUMBER 16111 | Email: [reservations@pngair.com.pg](mailto:reservations@pngair.com.pg)





Minista Maru wokabaut wantaim LLG Presiden bilong Is Yangoru LLG Geoffrey Waffi long taim bilong opim nupela klasrum.

# Nupela klasrum i op long Koro Praimeri Skul

**OL komyuniti long Witipe na Koro i lukim gen wanpela haus we i gat 4-pela klasrum insait long St Vincent Praimeri Skul insait long Yangoru-Saussia distrik.**

Dispela em i namba tu klasrum we i gat 4-pela klasrum insait long wanpela haus tasol we memba bilong Yangoru-Saussia distrik na Minista bilong Tred Komes na Industri, Richard Maru i bin kirapim aninit long mani bilong Distrik Sevis Impruvmen Fan.

Mani bilong wokim dispela 4-pela klasrum i bin stap long mak bilong K150,000 tasol narapela wankain klasrum ol i bin kirapim pastaim i bin kostim K100,000.

Ol pipel i bin amamas na singsing na danis long opim nupela klas-

rum. Dispela kain samting i no save kamap long bipo taim ol narapela lain i bin stap lida.

Het tisa bilong skul, Abraham Sondambui i bin tok long taim bilong opim klasrum olsem em i gat bikpela tok tenkyu i go long Minista Maru long luksave long kraibilong ol pikinini husat i save kisim taim long painim gutpela hap bisindaun na lainim samting insait long las 40 yia.

Mista Sondambui i tok planti yia ol pikinini i save sindaun insait long ol bus haus long lainim samting bikos ol lida bilong bipo i no bin lukim edukesen olsem em i bikpela samting.

Em i tok St Vincent Koro Praimeri Skul i no bin kisim luksave long ol narapela lida bipo na ol tisa tu i save les long go

long dispela skul bikos i no gat gutpela haus tisa na no gat gutpela rot.

“Mipela i save stap long ol haus we i gat hul long rup na mipela i save lainim ol sumatin insait long ol bus haus klasrum inap planti yia tumas. Ol pikinini i save wokabaut long ol tais wara long kamap long skul. I no bin gat ol narapela besik sevis i stap,” Mista Sondambui i tok.

Em i tok, Minista Maru em i bringim trupela senis long Saussia LLG long ol pipel husat i save stap long ol Sepik Pleins.

Mista Sondambui i tok tenkyu tu long Minista Maru long wanpela 38 kilomita rot we ol i bin wokim wantaim K150,000 long Boim i go long Witipe.

“Mipela i stap olsem ol donki i save karim

kago na wokabaut longwe hap long painim helpim long haus sik o long go long ol maket long salim ol gaden kaikai na kumu. Ol meri i save karim saksak beg na banana bihainim 38 kilimita bus rot inap ol i save kamap long bikpela rot long Sepik haiwe na ol i save kisim PMV long go long Wewak taun.

“Ol pikinini i bin stap baksait tru na i no gat ol edukesen fasiliti olsem na planti i bin les long skul,” Mista Sondambui i tok.

Lokal Memba, Richard Maru i wokim wanpela gutpela toktok tru na strongim ol skul bod ov menesmen, ol tisa na sumatin Inog wok strong long kisim ol mak antap long akademik bilong ol.

“Nau yupela bai i no gat as long no ken

mekim gut long skul wok bilong yupela bikos yupela i gat gutpela hap bilong stap na lainim samting. Long taim mi bin kamap MP bilong yupela, mi bin putim moa long K300,000 i go insait long St Vincent Koro Praimeri Skul. Mi bai wokim yet inap mi kisim mani mak bilong hap milien kina wantaim nupela helt senta long pinis bilong dispela yia.

“Mipela bai putim ol wokman na wokmeri long haus sik, wanpela embulens na em bai kamap bikpela helt senta we bai helpim ol pipel insait long Sepik Pleins. Long pinis bilong dispela yia yupela bai i mas kisim pinis ol sevis inap long mani mak bilong K3 milien,” Mista Maru i tok.



## Dispela Yia bilong Marimari Yumi Tingim Wes Papua

LONG yia 2007 mi bin go raun long Is Awin long Westen Provins bihainim singaut bilong Yunaited Nesen Hai Komisn bilong Refuji. Long hap mi bin bungim wanpela meri na em i bin stori long rot we ol soldia bilong Indonesia i bin kisim pikinini man bilong em na kilim.

Planti mama long Wes Papua tude i karim planti ol dispela stori. Bel bilong ol i pen long wari olgeta taim long ol pikinini bilong ol husat i dai long han bilong soldia bilong Indonesia.

Moa long 50 krismas nau Wes Papua i singaut yet long Indonesia i mas lusim ol na larim ol i stap fri. Nau yet aninit long gavman bilong Indonesia ol Melanesia pipel long Wes Papua i stap insait long planti hevi, birua na poret. Moa long faiv handret tausen bilong ol i lusim laip bilong ol pinis tasol inap nau gavman bilong Indonesia i no laik harim ol. Tasol long bel bilong ol, ol i save ol i mas stap fri olsem na ol i singaut yet long gavman bilong Indonesia i mas lusim ol i stap fri long graun bilong ol.

Dispela graun we blut bilong ol i kapsait em i sem graun Papua Niugini i stap long en. Long taim bilong ol waitman ol i bin putim wanpela mak na brukim ol pipel; wanpela hap i stap aninit long ol kantri Ingran na narapela i stap aninit long ol kantri Holland.

Namel long 1960 na 1980 i bin i gat wanpela bikpela tingting long Pasifik olsem olgeta ailan bilong Pasifik i mas bruk lus long ol koloniel masta na sanap olsem ol indipenden kantri. Insait long Melanesia wanpela bikpela muvmen i bin kamap we i lukim Fiji i kisim Indipendens pas long yia 1962 na bihain Papua Niugini long 1975 na Solomon Ailan long 1978 na las long en Vanuatu long 1980. Tupela grup i hangamap yet em ol Kanaky long Niu Kaledonia na ol bratasusa bilong yumi long West Papua.

Aiwara bilong ol mama na pikinini i kapsait olgeta de long Wes Papua. Ol i driman long dispela de we ol pikinini bilong ol i ken wokabaut fri i go long skul na i no wari nogut ol soldia i kilim ol. Ol i driman long de ol bikpela pikinini man bilong ol i ken sanap olsem man i gat samting long nem bilong em, olsem man i gat ples we em i ken tok ‘dispela em i ples bilong mi.’

Insait long Papua Niugini i gat moa long 30,000 manmeri bilong West Papua i stap nau. Ol i hangamap tasol olsem bikos Papua Niugini i no tok orait long ol ken stap olgeta. Planti ol pikinini bilong ol i filim ol i lus tru long wanem ples bilong ol i stap long narapela hap.

Dispela yia insait long Katolik sios em i yia bilong prea long marimari. Mi askim nau olgeta prea komyuniti na yumi wan wan long prea long ol bratasusa bilong yumi. Ol mama yumi sindaun wantaim ol susa bilong yumi long Wes Papua na beten wantaim ol.



Memba bilong Yangoru-Saussia distrik na Minista bilong Tred Komes na Industri, Richard Maru i katim riben.



Wanpela haus i gat 4-pela klasrum long St Vincent Koro Praimeri Skul.



# Pait ken stopim invesmen long Hela

**BISNIS na investmen long Hela Provins bai no inap stap gut sapos planti bikpela pait i kamap long province, wanpela yut lida i tok.**

Rex Humbi i tok pait i kamap klostu long Tari taun stret na dispela i no gutpela sain bilong helpim ol investa na bisnis manmeri i kam insait long Hela.

“Taim pait i kamap insait long Tari taun stret, yu ting ol bisnis manmeri long Hela yet na tu ol investa na bisnis manmeri long arapela ples bai amamas long kam insait long Hela na mekim,” Mista Humbi i tok.

Em i mekim dispela toktok long sapatim toktok bilong Memba bilong Tari-Pori na Fainens Minista James Marape.

Long las wik Fraide, Mista Marape i bin tokim ol man husat i gat gan long kisim ol dispela gan i kam ausait na givim long polis.

Mista Marape i mekim dispela toktok bikos em i les long bikpela pait i kamap long arere long Tari taun.

“Mipela ol lida i wok

long wok hat long apim nem bilong provins olsem wanpela gutpela ples long mekim bisnis tasol ol man wantaim gan i wok long bagarapim nem bilong provins bilong yumi,” Mista Marape i tok.

Sampela ol biknem kampani olsem Exxon-Mobil, Oil Search, Curtain Brothers, Porgera Joint Venture, Trans Nugini Tours, Nationwide Construction na Atlas Steel i stap pinis long Tari.

“Mipela i gat ol bikpela kampani i stap pinis long provins bilong yumi. Ol i kam in-

sait long helpim yumi, taim ol manmeri i mekim wok, na long bringim sevis na gutpela sindaun,” Mista Marape i tok.

Em i askim ol man wantaim gan long stopim pait na no ken tasim ol propeti o samting bilong ol investa.

Wanpela bisnisman long Hela i tok sekyuriti bilong ol propeti na investmen bilong ol i no stap gut taim bikpela pait i kamap namel long tupela klen i stap arere long Tari taun.

Pait i kamap long Kikita ples klostu tru

long Tari taun na dispela i mekim ol bisnis i pret long inves na mekim bisnis long hap, em i tok.

Em i tok ol wan wan stua bilong Saina na arapela stua na bisnis bilong ol asples i op yet na sevim ol manmeri tasol ol i wok long yusim bikpela mani long baim sekyuriti.

“Pawa bilong polisman i sot. Dispela i mekim sekyuriti i no stap gut tru long ples. Mipela i pret long ol raskol i kisim bikpela gan i kam insait na stilim mani, o kilim mipela,” em i tok.



**Nenege Lodge long Tari, Hela i stap arere long ples bilong pait we ol man Kikita yet i wok long holim bikpela masin gan na kilim ol yet i go kam. Em i stap insait long ilektoret bilong Tari-Pori na insait long hetkwata bilong Hela Provins.**

## Kirapim rot na bris long kirapim bisnis

WANPELA saveman bilong ikononi i singautim gavman long kirapim ol infrastraksa olsem rot na bris long olgeta hap bilong kantri sapos gavman i laik pulim moa bisnis manmeri na investa i kam insait.

Dairekta bilong National Research Institute, Dokta Charles Yala, i tok kantri i nidim gutpela rot netwok, strongpela bris, gutpela ples balus na sip bris long larim moa invesmen i kam insait.

“Long larim ol grot senta i groa i go bikpela na joinim arapela ol ples, yumi nidim invesmen long infrastraksa,” Dokta Yala i tok.

Em i tok planti ples insait long kantri i no op yet maski kantri i kisim independens 41

via i go pinis, dispela i stopim planti developmen long kamap.

“Mi laikim wanpela olupela plen bilong gavman long putim moa mani i go insait long ol grot senta o ol liklik taun na kirapim arapela ol samting olsem pawa saplai, rot, bris, telepon, skul na haus sik,” Dokta Yala i tok.

Dokta Yala i tok gavman mas lukluk long opim sampela provins na ples i stap klostu long Australia na Esia.

“Gavman mas lukluk long joinim sampela ol provins na taun bilong yumi wantaim Indonesia o Australia. Em i tupela kantri we yumi skelim boda wantaim,” Dokta Yala i tok.

Long wankain taim Nesenel Gavman i

lukim dispela bikpela nid long kirapim ol rot na bris long helpim moa invesmen i kam insait long kantri.

Praim Minista Peter O’Neill i tok namba wan prairoriti bilong gavman em long kirapim rot, bris, na ol infrastraksa long helpim ikononi developmen.

Mista O’Neill i tok insait long foapela yia tasol, gavman i putim moa mani i go insait long rot, bris, ples balus na sip bris.

Mista O’Neill i mekim dispela toktok long taim bilong apim plak long Independens De long Pot Mosbi long las wik Fraide.

“Yumi mas amamas bikos kantri bilong yumi i lukim planti gutpela samting insait long sotpela taim tasol.

“Gavman nau i putim moa mani long kirapim infrastraksa na larim developmen bilong ikononi na bisnis i kamap,” Mista O’Neill i tok.



**Rot na wara long wanpela ples hia long PNG. Foto: Intanet**

## Tupela hatwok man bilong REL



**Wawe Kondawe wantaim wanwok blong em Toby Kuka i redi long mekim wok.**

**James G. Kila i raitim**

OL WOK ples we i gat planti naispela plawa gaden na planti diwai em i sanap arere i ken bringim gutpela naispela filings long wok. Moa long en tu ol autsait o nupela lain i go long hap bai amamas long lukim ples na mekim gutpela stori long en.

Taim wokples i stap klin oltaim na tu i gat naispela ol plawa wantaim ol pisin na na binatang i mekim nois em bai yu pilim nais long wok. Moa long en tu bai yu pulim gutpela klinpela na fres win na yu bai amamas long wok moa.

Tupela yangpela man husat save wok olsem ol graun-kru bilong Raibus Ensiaring Limited (REL) long Madang em Wawe Kondawe na Toby Kuka. Tupela i save lukautim eria insait long Ramu NiCo (MCC) Op-

eresin bes long Madang. Wawe ibilong Bundi na Toby em i bilong Gembolg long Chimbu provins, tasol tupela save stap long Madang.

Dispela tupela yangpela man em tupela strongpela man tru bilong wok stret. Ol save klinim plawa gaden, katim gras, planim plawa na rausim pipia insait long Ramu NiCo Operesens Bes long Madang taun.

Tupela strongpela lain bilong wok ya i save wok wantaim Raibus Ensiaring Limited (REL), wanpela lenona kampani insait long Ramu Nikel Projek.

Wawe i bin stat wok wantaim MCC (Ramu NiCo) long 2009 bihain long wanpela meri supavaisa Annie i bin luksave long gutpela wok em i save wokim.

Dispela tupela yangpela man nau i save wokim gutpela wok tru long eria bilong Ramu

NiCo (MCC) Madang operesin bes. Ol save planim ol plawa, lukautim ol prut diwai insait long eria na tu ol save katim gras long masin long mekim ples i luknais we ol wokman meri bilong Ramu NiCo (MCC) na ol nupela lain i go wok long hap i ken amamas na pilim gutpela win.

Nau yet insait long Ramu NiCo operesin bes long Madang i gat planti ol naispela plawa na ol diwai i gro i stap. Ol pisin tu i go sindaun long ol diwai na wokim haus na mekim ples i luknais tru.

Dispela tupela graun kru Wawe Kondawe wantaim Toby Kuka wantaim ol wanwok bilong ol long REL i save wok hat stret long mekim eria insait long Ramu NiCo (MCC) Operesin Bes i stap nais na grin oltaim na tu ol pisin na binating tu i save amamas long stap long hap.



# Santu Stella Sibog skul lonsim 5-Yia Divelopmen Plen

James G. Kila i raitim

**MOA long 1000 manmeri na pikinini i bin bung long Santu Stella Sibog Praimeri Skul long Saidor LLG, Raikos distrik long Madang provins long lonsim 5-Yia Divelopmen Plen bilong skul.**

Dispela praimeri skul i stap longwe long taun na i save painim hat stret long kisim ol gavman sevis long helpim ol sumatin na tisa.

Long Fonde, Ogas 25, naispela bilas na kala i bin kamap long Sibog we ol singsing tumbuna na ol danis ol skul sumatin i soim long amamasim dispela spesel de. Skul i stap antap long maunten.

Long wod 12 long Saidor LLG long Raikos distrik. Skul i bin kirap long 1983 na em i rejista wantaim Nesenel Edukesen Dipatmen, tasol em i stap aninit long Katolik Edukesin ejensi.

Dispela 5-Yia Divelopmen Plen bilong skul em i nupela samting long dispela komyuniti, na planti lain i amamas stret long lukim. Ol lain i kam long ol viles long nambis olsem Galek, Sibog, Waibul, Sabilongi, Sor na ol arapela maunten ples klostu long Wod 10 i go long Wod 13.

Bikpela as tingting bilong kamapim dispela 5-Yia Divelopmen Plen (2016-2020) em long helpim dispela ruel skul wantaim ol nupela divelopmen we i ken helpim ol sumatin bilong Sibog. Taim ol pikinini i skul insait long nupela klasrum na kisim gutpela save, bihain ol bai go aut na wok mani na kambek na divelopim komyuniti bilong ol.

Konsalten husat i helpim long raitim plen, Jack Kaleke bilong Draii Diwai Konsaltensi Sevis i tok, olgeta wok insait long dispela plen em ol i makim long wan wan yia na i stap insait long projek proposal fom we ol bai givim i go long Raikos Distrik Edministresen na husat dona ejensi i laik long givim helpim.

Long taim bilong lonsim plen, ol tisa i bin salim invitesen go long ol lain long gavman long taun long go bikos em longwe tru na solwara tu i kirap, na ol i pret na nogat lain i bin go. Presiden



Ol komyuniti i bringim 5-yia plen wantaim singsing.



BOM siaman bilong Sibog Raphael Wizak wantaim arapela i soim 5-yia Plen.



Singsing tumbuna wantaim kundu long soim amamas long lonsim.



Ol gret 8 sumatin meri i soim rural Raikos disko danis long music.

bilong Saidor LLG tasol i bin go long luksave long dispela plen na i tok orait long en na tokaut long ol pipel olsem em bai strongim dispela plen insait long Saidor LLG.

Bikpela hatwok ol tisa long skul wantaim bod ov menesmen wantaim wanpela konsalten bilong ol i wokim i bin wokim long kamapim dispela plen.

Wanpela senia tisa long skul, Priscilla Pasum i tok em yet wantaim ol arapela tisa i sori olsem dispela skul i laikim stret helpim long kamapim senis na divelopmen na olsem, ol i putim tingting wantaim long kamapim dispela 5-yia divelopmen plen. Projek plening tim bilong skul em ol bod ov menesmen (BOM) aninit long siaman Raphael Wizak i bin givim bikpela sapot wantaim ol arapela komyuniti lida na papamama insait long BOM.

Skul ya i stap antap long Finisterre maunten we planti gavman sevis i no save go long nen.

Ol tisa bilong gavman i save i go i kam long taun wantaim motobot tasol. Ol i save wokabout long maunten i go daun long nambis long Galek na kisim motobot na go long taun na bihain kambek long wankain rot. Ol i save baim K70 bot-fe long wan we i go long taun na narapela K70 long go bek.

Ol tisa i save kisim hat taim tru long kisim ol skul saplai. Planti taim skul i save peim ol lain long ples long helpim long karim ol skul saplai na kago bilong ol tisa long nambis long Galek na wokabout i go antap long maunten long Sibog skul. Em i save kisim samting olsem tri o 4-pela aua olgeta long wokabout long nambis i go antap long skul.

Skul i gat gret 3 i go antap long gret 8. Ol sumatin i no save stap long gutpela ol klasrum wankain olsem ol sumatin long taun. Ol i save sindaun long ol klasrum, we banis em ol i wokim long mambu na wan wan ol kapa tasol em rup.

Long taim bilong lonsim plen, ol komyuniti i putim bikpela bilip na pasim tingting olsem presiden bilong Saidor LLG bai bringim plen i go na bihain long sampela taim bai gutpela ansa o bekim i ken kam long stretim ples na gutpela sindaun bilong ol sumatin bilong Sibog praimer skul.



# Asitavi gels Haiskul i selebretim 60 yia

## SAVE na MEKIM

Sapta 2  
...moa yet long hap 1 (Taro)

### Mekim wanem long Taro

Kaikai bilong en i gutpela long man i kaikai. Skin bilong en i gutpela long pik i kaikai.


Kru bilong en na yangpela lip i gutpela long man i kaikai. Liklik pikinini stik taro em tu i gutpela long man na pik i kaikai. Sampela rot bilong kukim taro i stap olsem:

1. Sapim na kukim long sospen
2. Kukim long paia
3. Kukim long paia pastaim, bihain memeim, na tanim wantaim gris bilong kokonas.
4. Kukim long gris, wankain olsem kaukau. Swit bilong em i winim kaukau.
5. Mekim grain o brukim i kamap plaua. Rot bilong dispela em i wankain long wokim plaua kaukau.

### Praim taro long praipen

Sapos yu kukim taro long sospen, na yu kaikai hap, na hap i stap, orait, taim yu laik kaikai gen yu ken mekim olsem:

Katim taro i go liklik. Putim liklik gris tasol long praipen, hatim. Nau praim taro long em.



Veronica Hatutasi i raitim

**ATONOMAS** Rijon bilong Bogenvil (ARoB) i gat wanpela haiskul bilong ol pikinini meri tasol na long stat bilong dispela mun, skul i bin selebretim 60 kris-mas bilong en.

Planti meri bilong ol geta hap bilong Bogenvil i bin go long dispela skul, stat yet long 1956 taim skul i bin opim dua bilong em. Planti nau i holim ol bikpela wok long ARoB na kantri na ol i kontribiut long ol wok divelopmen bilong PNG.

Ol Katolik Marist Sister i bin statim dispela skul. Sister Catherine i statim dispela skul i bin dai taim em i gat 94 krismas long yia 2010 long Australia.

Sampela long ol eks Asitavi meri husat i mekim nem olsem namba wan long dispela kantri em long Severina Soina husat i bin namba wan meri jiolojis, Lucy Travertz i namba wan Distrik Menesa nau long Arawa, Cecilia Kenevi i gat praivet skul bilong em yet long Mosbi ol i kolim long Jack and Jill (skul bilong ol liklik pikinini), Helen Harrick-nen i gat praivet skul bilong ol liklik pikinini yet long Mosbi na sampela moa.

Sen Mary's Asitavi i



**AIONIA SUMATIN:** Tupela long ol paionia sumatin bilong Sen Mary's Asitavi i bin stap long bung na ol i kisim piksa wantaim Sister Margaret. Long hankain em Cecilia Kenevi (Bonoto) na Monica Tohaka.

stap long Wakunai eria long Sentral Bogenvil.

Em i stap long wanpela naispela hap namel long nambis na maunten i gat maunten paia Maun Balbi long en.

Bikos em i stap long naispela hap we i no gat samting bilong distebim ol meri, ol i save stadi gut na kisim gutpela skul.

Long planti yia inap long ol yia long 1990s, ol Katolik Sister bilong Australia na ol ovasisi volantia i bin tisa long Sen Mary's Asitavi.

Taim bilong Bogenvil hevi na ol ovasisi Sister i lusim ailan, ol asples na PNG tisa i wok nau long dispela skul.

Bikpela selebresen i bin kamap long Asitavi yet long stat bilong dispela mun we planti ol eks sumatin na tisa i bin

kamap long en.

Wanpela long ol em long olupela tisa na skul hetmistres, Sister Margaret Tische SM. Sister Margaret i bin kamap long Asitavi long yangpela bilong em long 1970 na long samting olsem 10-pela yia, em i bin hetmistres bilong skul.

Sister Margaret nau i beis long Sydney, Australia na i save skulim Rilijes Edukesen long sampela skul long hap.

Long mun Ogas dispela yia, Sister Margaret i bin go long Bogenvil na raunim ol geta hap bilong ailan long lukim ol eks Asitavi gels pastaim long ol selebresen long Asitavi.

Long las wik Tunde, samting olsem 30 eks Asitavi gels i stap na wok long Mosbi siti i bin holim wanpela kaikai bung wantaim Sister

Margaret long tok gutbai long em pastaim em i lusim PNG long las wik Trinde.

Dispela ripota i wanpela eks Asitavi tu na i bin stap long tok gutbai kaikai long i bin kamap long Konprens hap bilong Katolik Asdaiosis long nupela Senseri opis long 5 Mail, Boroko.

Bung ya i bin go gut tru we ol meri i bin gat sans long amamas, tok-tok, sea na kaikai wantaim olupela tisa na hetmistres bilong ol.

"Mi amamas tru long bungim ol eks Asitavi sumatin meri na lukim na save ol i mekim wanem samting bihain long ol i bin lusim Asitavi.

"Mi lukim planti senis, moa yet long ol sios long Bogenvil, tasol Asitavi bai no inap wankain olsem long

pastaim gen," Sister Margaret i bin tok long bung.

Em i tok skul i laikim ol nupela bilding na wanpela long ol, em Home Ikonomiks bilding.

Em i bin tromeim tok-tok long ol eks Asitavi meri long helpim skul long sanapim nupela Home Ikonomiks bilding, na ol arapela moa samting skul i laikim

Sister Margaret i bin tok tenkyu long ol eks Asitavi meri long kamapim dispela yu-nien na bung kaikai na em i bin tok, "mi bai tingim dispela nait wantaim smail long laip bilong mi."

Lukim ol piksa bilong tok gutbai na dina kaikai nait wantaim ol eks Asitavi sumatin long las Tunde, Septemba 13, 2016 nait long Pot Mosbi.



**GRUP PIKSA:** Ol eks Asitavi meri long Mosbi i amamas long bung kaikai long tok gutbai long Sister Margaret.



# Madang pipel tok tenkyu long YWAM sip

James G. Kila i raitim

OL manmeri long Madang provins i givim bikpela tok amamas long gutpela wok ol lain volantia bilong Youth With A Mission (YWAM) i mekim long bringim helt sevis i go long ol ruel distrik long provins.

Madang provinsal Helt Dairekta, Marcus Kachau i makim maus bilong ol pipel long givim bikpela tok amamas long ol YWAM volantia long gutpela wok ol i mekim.

Mista Kachau i tok wok bung wantaim YWAM long Madang provins i strongim wok bilong bringim helt sevis i go long ol ruel distrik long provins.

Dispela wok patnasip wantaim YWAM i givim bikpela helpim na sapot

long Madang provinsal helt long i mekim sam-pela ol wok insait long helt plen bilong mipela," Mista Kachau i tok.

Em i tok ol helt wok-man meri bilong em i bin wok gut wantaim ol lain bilong YWAM long wok patnasip, na kari-maut planti gutpela wok long sevim ol ruel manmeri long ol distrik long Madang.

MV Pacific Link bilong YWAM i pinisim ol wok bilong en long Madang las wik bihain long ol volantia bilong en i wok raun i go long ol ruel viles long Bogia, Sumkar, Madang na Raikos distrik.

Dairekta bilong MV Pacific Link, Brett Curtis i tok dispela wok raun bilong ol long Madang i bin spesel stret bikos ol i helpim planti lain wan-

taim gutpela medikol helpim we ol pipel i no bin luksave pastaim.

Mista Curtis i tok insait long las 8-pela mun, ol i sevim planti tausen laip bilong ol pipel long Madang. Wanpela long ol lain ol i bin sevim em wanpela meri long Karkar Ailan husat i gat sik long ai bilong em. Tasol gutpela wok bilong ol medikol lain long YWAM bihain long ol i bringim em i go antap long sip na mekim operesen long ai bilong meri Karkar na ai bilong em i orait.

Em i tok tu olsem ol lain bilong YWAM bai givim ripot bilong wok ol i mekim long Madang i go long ol stekholda pastaim long MV Pacific Link i mekim namba wan ran bilong en i go long Wewak long Is Sepik provins.

# Oro provins helpim YWAM Medikel sip

ORO Provins Gavana, Gary Juffa, i givim wanpela sek mani inap long K150,000 i go long YWAM Medikal Sips long las wik.

Gavana Juffa i makim Oro Provinsal Gavman na em i pinisim tok promis bilong en long helpim enuel operesen bilong YWAM Training na Medikal Sip, MV YWAM PNG.

Gavana Juffa i tok provinsal administresen i wanbel long sapotim YWAM wok long Oro Provins.

"Mipela i kamapim gutpela wok pren wantaim YWAM Medikal Sip insait long 4-pela yia, namba wan long ol tim i stap long graun na nau wantaim medikal sip, MV YWAM PNG.

"YWAM i gat narapela kain wei bilong bringim heltke na trening i go long ol ples i stap longwe tru long mekim ol i kamap gutpela patna taim mipela i mekim wok wantaim wankain visen long bringim gutpela ruel helt sevis.



Gavana Gary Juffa bilong Oro Provins i givim K150,000 sek long Dokta Sarah Dunn, Senia Fil Menesa bilong MV YWAM PNG Medikal na Trening.

"Mipela i wet long lukim MV YWAM PNG long kam bek gen long Oro long stat bilong yia bihain. Ol helt woka bilong mipela i save laik long wok wantaim YWAM tim husat i gat bikpela laik long mekim wok na i no save les. Ol tim i bung wantaim na i kamapim bikpela wok long ol pipel bilong mipela," Gavana Juffa i tok.

YWAM Medikal Sip Menesing Daireta, Ken Mulligan, i tok em i amamas long sapot bilong Oro Provinsal Edministresen.

"Mipela i tenkyu tru

long gutpela wok bung long Oro Provins, na tok tenkyu long lidasip bilong Gavana Juffa long kamapim dispela gutpela patnasip."

Em i tok nau ol i wok long mekim namba tri stes senis long sip MV YWAM PNG, na dispela bai mekim wok bilong ol long bihain taim i go bikpela moa yet.

MV YWAM PNG Stes 3 wok bai gat konstraksen bilong trening rum, mekim gut hap bilong ol sikman i wet long kisim helpim na long medikal stua spes na wanpela moa nupela patrol bot, i gat spes

long karim wanpela heltke tim inap long 20 pipel.

MV YWAM PNG bai kamap long Pot Mosbi long mun bihain pastaim long em bai go long autris long ol ruel eria bilong Galp Provins.

Ol narapela sapot bilong MV YWAM PNG em PNG Nesenel Gavman, Puma Energy, Australian Aid, Steamship Trening Kampani, PNG Ports Corporation na Morobe, Milne Bay, Sentral na Westen Provinsal Gavman, wantaim Sohe Distrik Developmen Atoriti.



YWAM sip MV Pacific Link i sua long bikpela bris long Madang taun long bringim ol volantia long mekim medikol wok. Foto: James G. Kila

# Konge Ring kisim nupela helt senta

OL pipel bilong Konge Ring long Yangoru-Saussia distrik i opim nupela helt sab senta na wanpela bikpela 38 kilomita rot.

Planti pipel i bin bung long Timbungwa Viles insait long Sausso Lokal Level Gavman (LLG) long dispela wik long lukim ol i opim nupela Boru Sab Helt Sentra na nupela rot we bai sevim ol pipel bilong Konge ring insait long Sausso LLG.

Bihain long 40 yia bilong kantri i stap indipenden, ol pipel long dispela hap nau inap long kisim gutpela helt

sevis na gutpela rot.


Ol viles we i stap insait long Konge ring em Bima wan (1) i go long tri (3), Papringa, Omodongu, Tibunangwa Kwariangwa na Simange.

Wantaim dispela helt sab senta, 38 kilomita rot long Tuonumbu i go long Kwariangwa em bai kisim mani inap long mak bilong K3.8 milien aninit long Gavman DSIP fanding. Dispela rot i go inap long las viles long boda bilong Yangoru-Saussia Distrik na Angoram Distrik.

Sab-helt senta bai stap aninit long Distrik

Sios Helt Sevis na SDA Sios bai lukautim.

Yangoru-Saussia Distrik Helt Edvaisa, Glenis Wapi husat i bin go pas long program long opim nupela helt sab senta na nupela rot, i tok tenkyu long memba bilong Yangoru-Saussia na Minista bilong Treid Komes na Industri, Richard Maru. Em i tok helt sevis na rot long dispela hap bilong distrik em i no gat tru long planti yia na planti pipel i bin dai taim ol i save karim long rot yet long painim etpos we i stap longwe tru long dispela hap.



Nupela Boru helt sab senta haus.

Em i tok ol mama i save painim hevi long karim bebi na planti i save dai taim ol i wok-about yet long go painim helpim bikos ol i mas wokabout brukim ol tais, wara na bus rot. Tasol etpos long Kwaliangwa viles i bin pas longpela taim i go pinis na helt woka i lusim wok bikos i no gat mani long baim em na tu long baim marasin. Ol pipel i stap nating olsem.

"Plantilap i no inap long lus sapos mipela i bin gat rot long kisim helt sevis long kar bai ran kisim ol sik lain i go long etpos o helt klinik bipo," Misis Wapi i tok. Em i tok dispela hevi em i no stap long Konge ring tasol,ogat, em i stap long olgeta hap bilong distrik. "Plantilap bilong ol etpos nau kisim appret na ol i wok gen bikos long helpim bilong Minista Maru," em i tok. Makim ol pipel bilong Konge em i tok tenkyu long Minista Maru na O'Neill-Dion gavman

long luksave na kirapim gen ol helt sevis long distrik wantaim bikpela rot long go i kam isi. Yangoru-Saussia distrik nau i gat 16 helt woka husat i wok long ol nupela etpos insait long distrik, long ol etpos we i kirap gen aninit long Mista Maru. Minista Maru i tok long taim bilong opim ol dispela sevis olsem, em i laik bilong ol pipel long makim ol wanem kain lida tasol i mekim na ol i stap long kain hevi olsem longpela

long luksave na kirapim gen ol helt sevis long distrik wantaim bikpela rot long go i kam isi.

Yangoru-Saussia distrik nau i gat 16 helt woka husat i wok long ol nupela etpos insait long distrik, long ol etpos we i kirap gen aninit long Mista Maru. Minista Maru i tok long taim bilong opim ol dispela sevis olsem, em i laik bilong ol pipel long makim ol wanem kain lida tasol i mekim na ol i stap long kain hevi olsem longpela

taim.

"Senis na developmen bai kam sapos yu makim rait lida" Mista Maru i tok.

Minista Maru i givim gen narapela K100,000 bilong wokim ol haus bilong ol helt woka long nupela helt sab senta.

Em i givim salens long ol memba bilong ol distrik husat i brukim boda mak wantaim Yangoru-Saussia distrik long helpim na wokim ol rot we bai helpim ol pipel long kisim sevis.





## Yut, Meri na Famili Pastor Barbara Lunge

### Wokim gen dua bilong kisim wara

INSAIT long ol las de nau, God i wok long toktok long ol Israel long wokim gen dua bilong kisim wara dua olsem wanpela bilong ol dua long Jerusalem bihain long 70 yia bilong ol i stap kalabus long narapela kantri.

Nehemia 3:26 i tok, "Ol i wokim banis i go kamap klostu long Dua bilong Kisim Wara na long taua bilong ol man i was long haus bilong God. Dispela dua na taua i stap long hap san i go daun bilong hap banis ol i wokim. Dispela hap banis i stap klostu long Ofel, dispela hap bilong Jerusalem ol wokman bilong haus bilong God i save stap long en."

Sios bilong Jisas Krai i mas stap redi na pas wantaim God long wanem samting em i wok long mekim long Israel. Mi bilip olsem yumi ol Kristen, God i wok long toktok long yumi long kirapim gen wara geit bilong spirit laip bilong yumi na em i toktok long Tok bilong God. Long buk bilong Efesis 5:26, em i tok, "Long wara na long tok bilong en, Krai i wasim sios na mekim em i kamap klin long ai bilong en. Long dispela pasin em i makim sios i bilong em yet."

Namba wan samting em i toktok long bilasim sios long em bai luk nais na putim Krai olsem klos, we em i Tok bilong God. Sapta wan bilong Gutnius Jon i raitim, i tok long bipo tru Tok bilong God i stap na Tok bilong God em i God na Tok Bilong God i kamap man i stap namel long yumi. Na Tok bilong God em i Bikpela Jisas Krai yet.

Wara i stat gut wantaim hul wara na gen i ran i go olsem bikpela wara na planti bikpela wara i save ran!! Wara em i gutpela long laip (dring) na wasim tingting bilong yumi. Wankain olsem bai yu putim planti toktok i go insait long lewa bilong yu, ol wara bai tanim na kamap wain na yu inap dring na spak long Holi Spirit.

Jon 2:7-10. Em i askim ol wokboi long pulimapim wara long ol sospen graun na taim ol i pulap olgeta man i go pas long seremoni i traim dring dispela wain na em i tok, dispela em i gutpela wain tru we ol i lusim i stap inap klostu long seremoni i pinis.

Dispela dua em i kamap olsem traim long yumi olgeta taim long yumi go insait long lukim bikpela, bikpela samting insait long God. Mi laik toktok moa long ol bikpela samting pastaim we i save strongim bilip bilong yumi taim yumi save kaikai long Tok bilong em long olgeta de. Bilip bilong yumi i save go bikpela taim yumi save tingting long Tok bilong God olgeta de.

Rom 10:17 i tok; "Orait yumi save, yumi harim tok bilong God na dispela i kirapim bilip. Na dispela tok yumi harim, em i kamap long maus bilong Krai." Taim bilip bilong yumi i go bikpela, yumi inap mekim planti bikpela samting long nem bilong God. Buk Daniel 11:32. "Na king bai i grisim ol man i bin givim baksait long God, na bai ol i bihainim em. Ol manmeri i save aninit tru long God, ol bai i sanap strong na sakim tok bilong em."

Na i no dispela tasol, nogat. Kingdom bilong God i kisim planti pen pinis na ol strongpela manmeri bai kisim bek wantaim strong bilong God. Matyu 11:12 "Stat long taim Jon Bilong Baptais i autim tok na i kam inap nau, ol strongpela man bilong pait i bin wok strong long kisim kingdom bilong heven, na ol i bin mekim ol kain pasin bilong pait na givim planti hevi long en."

Olsem na sios o Bodi bilong Krai i mas kirap na tingim Tok bilong God olgeta de na bai yu ken kamap gutpela na i gat inap samting long kirapim Kingdom bilong God.

Sapos yu laik save moa o yu laikim sampela helpim, ring long mobail namba; 76238826/79638276 or email long, jhoshea43@gmail.com.

# Don Bosco i selebret



Indipendens selebren long Gabutu.

### Arlene Abital i raitim

DON BOSCO Teknologikal Institut (DBTI) long Taurama, Pot Mosbi i bin wokim misa

lotu na ol selebren long makim namba 41 independens bilong PNG.

Long wankain taim tu, dispela de i bin makim



Amamasim bonde bilong Pater Peter Baquero sdb.

bonde bilong bosman bilong PNG PGS Provins, Pater Peter Baquero sdb.

Ol Salesian komyuniti long Moabi, ol MA Sister, ol

SSJ Sister, ol Caritas Sister bilong Jesus, ol mangki sumatin boda na sampela woklain na ol lain i save go lotu long hap i bin stap insait long selebren.

## Moa Kristen yut reli mas kamap long senisim pasin

### James G. Kila i raitim

KRISTEN yut reli na baibel stadi kem i mas kamap oltaim long ol ruel viles na ol setelmen long taun eria long senisim tingting na laip bilong ol yangpela manmeri husat i stap olsem ol 'lus sip-sip'.

Sumkar komyuniti lida, Willia Mayang bilong Karkum viles long Mirap Peris long Sumgilbar LLG long Madang i mekim dispela strongpela toktok bihain long Katolik Karismatik reli we i bin

kamap long Laiwaden oval long Madang taun.

Mayang i tok taim ol yangpela manmeri stat long pret long Papa God taim ol i yangpela yet, ol bai bihainim gutpela pasin na wokabaut stret na soim rispek long komyuniti.

Em i tok 'yut pawa' nau em i bikpela samting we i kamapim lo na na oda hevi long komyuniti.

Em i tok ol yut nau i wok long kontrolim ples wantaim planti kain kain pasin no gut olsem dring hombru, stil long

arapela manmeri, tok no gut na mekim nois long pablik ples.

Mayang i tok ol Kristen lida insait long wan wan komyuniti olsem ol pasto na ol yut lida i gat bikpela wok long toktok gut na bringim skul na pret long ol dispela yut o bikhet man o meri. na ol bai senisim pasin bilong ol.

"Dispela ol yangpela manmeri long bihain bai kamap olsem papa na mama, olsem na nau ye, ol i mas kisim ol strongpela stiatok long senisim laip bilong ol," Mayang i tok.

Em i salensim ol Kristen Sios insait long ol distrik na ol setelmen arere long Madang taun long wok strong long pulim ol sipsip i lus i go insait long Kristen banis. Planti ol dispela lain yut o yangpela man husat i mekim lo na oda hevi long komyuniti i nidim stret helpim long luksave long Kristen laip bilong ol.

Em i tok komyuniti mas noken wetim tasol polis long stretim hevi bilong lo na oda. Ol Sios lida na pasto na ol Kristen yut lida tu i gat wok long toktok na senisim tingting bilong ol bikhet man insait long komyuniti.

## Ol Sister i rileks long Vunapope okid gaden

Ol Katolik Sister bilong ol wan wan kongriksen i save mekim planit wok insait long ol peris na daiosis long kantri.

Ol i mekim pastorel wok, wok wantaim ol meri na ol mama, wok long edukesen opis na woki tisa, wok long helt na ol haus sik, mekim ol sosel wok na moa.

Long 2-pela poto hia, lukim sampela MSC Sister i rileks liklik namel long ol plawa gaden long Vunapope ausait long konven o haus bilong ol Sister. Sister Daisy Lisania i postim ol piksa long Fesbuk na Wantok Niuspepa i kisim na putim long sios pes.





# Skelim na strongim ol gutpela senis long ol yia i kam bihain

LAS wik Fraide, Septemba 16, Papua Niugini i bin selebretim 41 yia bilong independens. Long sampela hap i bin gat ol bikpela selebresen i kamap. Long planti hap bilong kantri, ol pipel i stap isi na tingim dispela bikpela de. Planti pipel i bin go lotu long tok tenkyu long Bikpela long ol blesing em i givim kantri na ol pipel bilong en.

Orait nau em i taim bilong lukluk i gohet long ol yia i bai kam bihain na kain kain salens i stap yet. Nesenel Ileksen bilong kantri bai kamap neks yia na i gat planti toktok i kamap long sampela bikpela hevi inap kamap sapos gavman na ol pipel i no hariap long stretim. Dispela bikpela ileksen bai i kaikai bikpela mani tru bilong kantri. I gat ol toktok i kamap long ol lain i bungim ol gan na arapela samting bilong pait. I gat ripot bilong ol politisen i traim long putim sapota bilong ol olsem ol ritening opisa.

Sapos ol dispela kain ripot i tru, ating mobeta yumi stretim bipo long taim bilong vot. I mas gat mani bilong inapim olgeta wok long kamapim gutpela na stretpela nesanel ileksen neks yia.

Ilektoral Komisin i tokaut pinis long wok bilong stretim ol ilektoral rol. Em i wok bilong yumi wan wan long sekap na lukim sapos nem bilong yumi i stap long komon rol. Em i wok bilong ol papamama tu long stiaim ol pikinini husat i winim 18 krismas nau long putim nem long ilektoral rol na vot long taim bilong ileksen.



Tasol bikpela hevi bilong mani i wok long kamapim hetpen na kros long komyuniti bikos planti sevis i stop long taim mani i sot. Ol helt woka long ol haus sik na helt senta bilong ol sios i no kisim pe. Planti helt senta i sot long marasin na ol arapela samting bilong helpim ol sikman. I gat

wankain ripot i kamap long ol skul tu insait long kantri.

Dispela em i las kwata bilong skul yia na gavman i tokaut long dispela wik olsem em bai givimaut las hap mani bilong fri eduksen i go long ol skul. Planti skul bai amamas long dispela nius bikos ol i sot tru long mani. Yumi hop olgeta skul bai kisim skel bilong ol na spendim long stretpela rot bilong skulim ol pikinini bilong yumi.

I gat planti gutpela samting tu i kamap long kantri bilong yumi na yumi mas luksave na strongim sapos yumi laik kantri i gro gut. Wanpela bilong ol em pasin bilong strongim na promotim wok bilong ol meri. Helpim ol meri i strong long wok bisnis em wanpela bikpela samting dispela gavman i mekim. I gat kain kain program bilong helpim ol meri i kisim moa save long pasin bilong ranim bisnis. Yumi lukim moa meri i stap insait long ol liklik na namel sais bisnis. Na ol meri i gat sans long soim ol bisnis bilong ol long ol liklik esibisen o so we ol pablik i ken luksave. Ol dispela kain bisnis i givim wok long planti ol grasrut na i bringim mani i kam insait long wan wan haus lain.

Ol dispela kain nupela senis i gutpela na yumi mas holim strong bikos em i opim rot bilong ol liklik bisnis ol pipel bilong PNG yet i kirapim na i papa long en. Em i mekim ol meri na ol grasrut i kamap independen long wok mani na sanap long strong bilong ol yet long ol yia i kam bihain.

## Givim moa sapot long trenspot na wok didiman

GAVMAN i mas givim gutpela sapot long kamapim na stretim ol rot, bris na ples balus na wok didiman.

Dispela em sapos em i tingting long strongim sindaun bilong ol manmeri.

Dispela long wanem planti taim laip bilong manmeri i pas long dispela ol samting.

PNG i no moa stap kantri bilong em yet tasol i stap long globel komyuniti.

Dispela i min em i stap long strong bilong ol narapela kantri na ol narapela kantri tu i stap long strong bilong em.

Long bihainim toktok bilong sekretari bilong Woks na Implementesen Dipatmen, David Wereh, husat i givim tok long wanpela kibung bilong dipatmen long Lae long las wik, em i tok rot i bikpela samting long bringim sevis.

Em i tok wantaim rot Gavman i ken bringim ol bikpela sevis olsem helt na edukesen long ol manmeri. Dispela i gutpela tok.

Long wankain taim wankain sapot i mas go long



wokim na stretim ol bris long ol ples i stap long nambis na wara olsem ol i ken kisim sevis isi.

Gavman i mas kamapim na stretim ol ples balus long ol ples tu i stap long bus we i hat long wokim rot.

Wanpela bikpela piksa mipela i lukim na harim long nius long dispela wik em ol Goilala manmeri long Sentral i kros bikos ol i no inap rot long kisim sevis.

I nogat gutpela rot na ples balus i go long hap bilong ol.

Ol i kukim ol beg kopi bikos ol i no inap long kisim i go long maket long salim. Ol kopi bek i stap nating i go

longpela taim na i bagarap.

Wankain stori mipela i save harim na lukim long nius long ol manmeri long ol ples olsem Menyamia long Morobe, Karamui long Chimbu na Telefomin long West Sepik we ol i hat long kisim gavman sevis.

Ol manmeri i gat strong long kamapim wok tasol sapos i nogat gutpela sapot ol i no inap long kamapim gut wok.

Ol i laikim tasol rot, bris na ples balus long kisim sevis na yusim dispela ol sevis long go long maket long salim samting bilong strongim sindaun bilong ol.

Long ol mani plen Gavman i givim long Woks na Implementesen Dipatmen K1.443 bilien long 2015, K1.06b long 2016 na i ting long givim K400 milien long 2017 baset.

Long Trenspot Dipatmen long mekim ol bris na ples balus Gavman i bin givim K28 milien long 2015 baset, K46 milien long 2016 na i ting long givim K25 milien long 2017 baset.

Dispela em ol gutpela mani mak tasol em i mas skruim yet dispela ol mani mak long olgeta yia sapos em i laik strongim dispela sekta.

Inap olsem 85 pes sen manmeri bilong kantri i stap long ruel ples.

Ol i stap long graun na mekim gaden, planim kakau, kokonas, kopi, wel pam na ol l stap long nambis i save painim pis. Dispela em strong bilong ol.

Tasol nogat opisa i go raun long helpim ol long kamapim dispela ol wok, wok i no inap kamap gut.

Wok bilong Gavman long givim save long groim kaukau, kopi na ol arapela kes krop long ol manmeri i planim, kamapim na salim long maket.

Long mani plen bilong en Gavman i givim K38 milien long 2015, K43 milien long 2016 na i ting long givim K14 milien long 2017 mani plen.

Trenspot na wok didiman em as bilong bringim sevis na strongim kantri bilong yumi.



# Gavana Parkop tanim Mosbi siti long

## red, yelo na blak

41 Yia bilong Papua Niugini na planti ol provins insait long PNG i amamasim Septemba 16 wantaim stail bilong ol yet.

Insait long bikpela siti long Pot Mosbi, Gavana Parkop i tanim dispela 41 yia bilong PNG i go long kala bilong PNG stret. Olgeta manmeri na pikinini insait long Mosbi i werim kala bilong PNG, Red,

Black na Gold na wokabout raun long ol rot long siti.

Gavana Parkop tu i mekim wanpela nupela samting long amamasim ol manmeri na pikinini long Mosbi. Em i kamapim rot so we ol manmeri na pikinini bai go amamas na raun bikpela na nupela rot long Paga hill ol kolim long ring rot. Dispela rot ol pasim long sait

na luk raun na sampela i go mekim liklik long namel.

Dispela tripela de so i pulim ol manmeri na pikinini na tu ol wait manmeri na pikinini long go raun lukim wanem samting i kamap na tu, kisim gutpela win long solwara.

Bik nem Ela Nambis tu bin pulap long ol manmeri na pikinini. Sampela i go luk-

luk raun na sampela i go mekim liklik maket long helpim ol.

Lukim ol poto na bai yu pilim olsem tru tru amamas bilong 41 Independen selebren long Mosbi em i bikpela samting long ol manmeri na pikinini.

*Poto na Stori Nicky Bernard*





Toro

Toro wantaim skwad bilong em stori long wei bilong painim pis...

Tupela Saki, mifela ol Kerema no save filai filai.. Tromoi huk, fis fas finish!!

Ha mai kapores! Mipela ol Samatex save wisel tasol na ol pis bai kam antap!!!

Sit mi!!

He!He!He! Pinats!!...

Mipela ol Sepik i gat kainkain wei,..Tasol, feivaret wei em, mipela bai laitim paia, putim fraipen long paia na lusim dua bilong kitsen i op... Ol makau bai mats i kam na tok,Sell! We are here!!

Mi lap long yutupela Saki bois...

SOL!!!

Mai kapok!!

Biabia

Memba Biabia wantaim meri bilong em go soping long Stop n Shop long sentral Waigani...

Lewa yu go soping..Mi bai sindaun wetim yu long kar..

Kain bilong yu,..spai long ol yangpela meri..

Nau meri bilong Biabia go insait long stua na mekim soping i stap...Long karpak, wanpela kar i kam pak klostu long kar bilong Biabia..Kar tu i luk wankain olsem kar bilong Biabia...

Nau meri bilong Biabia soping pinis na kamaut na go kalap long narapela kar klostu long kar bilong ol...Man sindaun insait em paol olgeta...

Meri bilong Biabia i tanim na lukim olsem em narapela man, em sok olgeta..hariap tru em kamaut long kar bilong narapela man...Biabia em jeles olgeta...

Statim kar na yumi go nau!!

Er..sori.. yu husat?

Aiyoo!! Sorii, rong karr!!

@#%!! Tok stret sapos yu laik kisim narapela man!!

Kanage

Kanage wantaim poro bi-long em spin raun long bas bilong poro...

Poro, jest presim klats long ted fot ted fot na yumi go taso!!!

Poro em senisim gia klostu klostu.. I no long taim na wanpela geko em kalap antap long poro bilong Kanage...

Wiyakana, em wanem samting kalap long mill! Yahhh!!

Nau em paitim geko i go long Kanage..Kanage em bikmaus taim geko i pas long em...

Aaaahhhh!!! Papan blek snek!!

Bas em ron long hai spid yet na Kanage em opim dua na kalap i kam aut...

AIYOO!MI BAI DAI NAU!!

Kanage wet!! Mi no putim brek yet!!

Kanage em go kis long kolta..Olget skin kamaut na hap indai long mein rot.

Mi ting olsem...

TEKS... TEKS... TEKS...

**Autim Tingting**

Teks i kam long 71845906

Dia Wantok, wanpela samting mi save lukim long planti hap long taun na siti long dispela kantri em i no gutpela na mi laik autim long Wantok Niuspepa.

Husat i save ritim Wantok i ken lukim na sapotim.

Mi tok long ol stilman long setelmen hia long Mosbi siti i save pulim mobail fon bilong ol mama, susa bilong yumi.

Em i sem pasin tru yupela i mekim stap. Yu gat mama na susa, kandre o ankol, tambu, ol i stap ah?

Na taim ol narapela i mekim olsem long ol, yu bai pilim olsem wanem?

Inap, Inap! Nau meri karim yu na stap, yu ting wanem?

Em tasol dispela wari bilong mi na yumi mas sapotim.

Tenkyu

Mapur Kongop, NCD

Edita, hepi independens anivesari long yupela olgeta Wantok Niuspepa wok manmeri.

Ol Atoriti i mas lukluk gut long wanem program ol praivet skul i wok long ranim.

Mi tok long dispela bilong wanem tripela, foapela mun setifiket o foapela o 6-pela mun diploma em i no inap.

Ol bai kisim pepa bilong ol tasol i no gat gutpela save ol i lainim.

Sapos yu laik painim famili memba, hauslain na wanpisin i lus na yu no save em i stap we, yu ken salim teks i kam .

Hepi 41<sup>st</sup> anivesary!!


I kam long WANTOK Niuspepa

Selebretim 41 yia Independens Anivesari wantaim hamamas. Wantaim femili bilong yu. Papa God i stap wantaim yu long dispela bikpela de bilong yumi.

Hepi 41 Independens anivesari Papua Niugini!!



# Em nau! Ol pikinini i ken painim rot i go long ples wantaim Wantok lain...



R S V G R N T E L R S E F N R P A T R  
K U L E R G R N A G  
F L M N S L A D F H G E K R  
N B A O U P N L A V I P A A I F Z R X

# PAINIM WOD PILAI

- Ol wod lista:**
- |                |                  |                |
|----------------|------------------|----------------|
| <b>ASKET</b>   | <b>KASANG</b>    | <b>HUSAT</b>   |
| <b>PATPELA</b> | <b>MAULPIS</b>   | <b>KOLPELA</b> |
| <b>NILIM</b>   | <b>SANDA</b>     | <b>MANABUS</b> |
| <b>PLASTA</b>  | <b>STRONG</b>    | <b>RONIM</b>   |
| <b>SUTBOI</b>  | <b>BULMAKAU</b>  | <b>SPANAN</b>  |
| <b>HOLIMAN</b> | <b>EVANGELIO</b> | <b>TUPELA</b>  |
| <b>DADAP</b>   | <b>HEVEN</b>     | <b>PLANTI</b>  |

C P M O D Y C H O Q N P N A I N M T S I V P Z O G  
 I E S T H J P W E L E N U T E H J F E D P E R N M  
 M P C H M E A N G V M M N F A O S C Q V R S E Q I  
 H I O P Z T T V R M E A O D E P D A V G X T D R Q  
 B O O N M C O E N M L N N S U L N E N V K L O I X  
 M H I D H D A D A P T A H K R A R O N I M B J L A  
 V W N C U A T O P A S B O A P S R A S Q P E S S N  
 J C E D E I E N S K R U L S U T B O I I N S I H T  
 P C F D B T T U O O N S I A S A U T I M I L Q S R  
 L I P O A U H I I M K P M N K B D P A E O N S C Q  
 O T Z T K S L X G F L E A G O M B A E O A H A P J  
 L S A Q J E K M P U O T N W L A A I S L G E A U T  
 M H N M G W E E A O R W I L P E S N E O A L V I M  
 D A I N E U P M T K X E L S E S E K E E M R C I N  
 O S A H O C M A P V A N I A L S R N S W I E M N K  
 O V Q F S E Z V E I A U M E A I O I F R T H A N G  
 E D W S W R Z A L P T R W P M O G G E F I T I E E  
 G B A P O Z L Z A P F D G L A C Q G E B K N S N F  
 N Z E T X K S J O N E S N T G M R H T N M Q G Q T  
 Z P T I R R R H O N M M N O E E I B I F T H E S A

## STORI BILONG TUMBUNA

### Raunwara Kamap Long Gris

**B**ipo tru wanpela man wantaim wanpela meri tupela i stap long wanpela ples em tupela i olsem susa na brata. Meri i wok long gaden long planim kain kain kaikai long gaden. Na brata bilong dispela meri i wok long painim kapul long bus. Na olgeta taim tupela i mekim olsem tasol. Na tupela i stap long dispela ples. Na wanpela taim dispela boi i tokim susa bilong em olsem nau mi go painim kapul long bus na yu stap long haus. Em i tok olsem na boi i go long bus. Taim tupela i wok lukautim, wanpela pik tu i stap. Na dispela pik i bikpela moa i stap. Na tupela i lukautim kapul long bus na em i kilim wanpela kapul klostu long gaden. Na em i putim long rot na em i go painim kapul gen long bus.

em i bin mekim sempasin long em. Na olsem meri i wok long kros i stap long brata, em i wok hat tru long askim i go. Na bihain i rausim kapul na sampela em i skelim na givim long susa na em i no kisim na kaikai. Em i kros yet. Na brata i tingting planti tru, mi mekim wanem long em na i krosim mi? Brata i ting olsem na em i kilim dispela pik tupela i lukautim em long en. Brata i muimuim pik na i tan pinis na em i rausim na em i skelim gut na hap sait bilong pik wantaim sampela kapul wantaim narapela sait bilong pik em i givim long susa bilong em. Brata ya i karim hap pik bilong em long solda bilong em na em i tokim susa bilong em olsem mi givim kapul long yu na yu no kaikai na mi givim pik long yu na yu no kaikaim em tu.

Dispela kapul pastaim boi i kisim pinis long en na boi i putim long rot na em i tanim kamap olsem brata bilong meri ya. Em i kisim mak stret bilong brata bilong meri i stap long en. Na em i mekim sempasin wantaim meri, na kapul ya i go bek pinis na meri i sem na i kra i stap.

Orait, yu stap long dispela ples, mi bai i go long narapela ples nau. Brata i tok olsem na em i kirap na wokabaut i go. Na susa i tokim brata olsem, yu mekim olsem long mi na mi no kaikai pik na kapul. Bo i go yet na meri bihainim em i go. Na man i karim hap sait bilong pik tu long solda bilong em na em i go longwe ples. Na em i kamap long wanpela ples na i sanap i stap. Na boi i karim pik ya na gris bilong dispela pik i pundaun long graun na i mekim bikpela raunwara na susa bilong man i kam em i lukim brata bilong em i sanap namel long raunwara na em i sanap arere long wara.

Bihain brata tru bilong meri i kam na em i bin kilim planti kapul na karim i kam long susa bilong em. Na susa i kros i stap na brata i askim, yu kros long wanem mi karim kapul i kam ya. Yu kam na lukim. Susa i no mekim wanpela tok. Em i kros i stap na brata bilong meri ya i muimuim kapul pinis na meri i no mekim wanpela tok. Em i wok long kros i stap yet. Brata i askim: "Mi mekim wanem samt-ing long yu na yu kros planti long mi?" Na meri em i no bekim tok bilong em.

Dispela man i sanap namel long raunwara. Nau mipela kolim lpaper, em kapul i go trikikim tupela na tupela i ranawe i go indai.

Kapul i bin trikikim meri ya na meri i ting tru olsem brata bilong

**Andreas Angale Enga Provins**

Ansa bilong Wod Pilai isu 2191

O F G G T V E G A R Z D T C E K C D M E O D N T N  
 E E S B H Y N F H C P R E I C X O M E T S D S J A  
 N P E P X D E O A A H P N F D R H L A H I S F U B  
 O T C S D P C N T E O H P B M J X H S N S V B G X  
 H U N T E M W G E E I O N S I X A T E G B A D G  
 S E I E F I S N O A V T K L S J P L V N M A K D I  
 A E E G T M S W I S G K D S O T I R A I S L U Z  
 N Z A A L N A Y R R T C O X R E D K Q F P S A S W  
 C E K J J L O B E Z M I L I Z N Q S N E E L I S R  
 H P B O K Z N X K G G S A A L N B A P B S T N S D  
 R T S H K E B E U K P M B N U L G A H R O I F H Y  
 L E E S R O S Q I B I L O B G H H E C U S S M G L  
 X S E A A F N E A D P N I T E S P C L E A O A O S  
 V E P R M X R A K R I R S G P E C N T R I L V E E  
 S S P A S G J F S X A K O R I C E N D I T A F J E  
 B I K H E T E E A K A S H A I S A P I M I P O A M  
 O A B O L I M L U S I M A S O L M A R A S I N T Z  
 S G I R V N A D W J C F A I P E L A M T R M D L T  
 X M X O R S N L S E O R S B T O I W E E N R E Z S  
 Z D D B H E X M F G O E E O N W M N E P D M R C F





Wanpela polis robot i sekim presa kuka bom i no pairap ol i bin yusim long West 27th Strit long Manhattan, Amerika.

## SAMTING olsem 29 pipel i bin kisim bagarap na ol i kisim tritmen long haus sik bihain long bom i bin pairap long las wiken Sarere long Manhattan, Amerika.

Ol wok painim bilong ol polis long dispela samting i wok long go het nau.

Ol lain i karimaut boming i bin yusim ol samting ol i save wokim presa kuka na

fon long ol, ol ripot i tok.

Bom i bin pairap long ol eria long Chelsea long Manhattan.

Ol tren i bin stopim ran bilong ol long Sande nait na ol balus i no bin ran long Elizabeth na Newak ples balus bikos long ol wok bilong ol polis long ol dispela eria.

Gavana bilong Nu Yok, Andrew Cuomo, husat i bin go

lukluk raun long eria i tok i luk olsem dispela i no wok bilong ol intanesenel teroris, tasol ol i mas painimaut long as bilong dispela boming.

Planti lain long siti i bin wari bikos wanpela wik i go pinis, ol i bin selebretim 15 krismas bihain long 9/11 teroris atek na tu, miting bilong ol Yunaitet Nesens long ol refuji long dispela wik.



Ol haus we ol refuji i stap long ol long Nauru. Nupela ripot i kam aut i tok ol pikinini i kukim han bilong ol wantaim ol hap sigaret, traime sam i kam aut long bilding na i laik kilim ol yet long ol arapela rot.

Nupela ripot long ol refuji long Nauru i kamaut long Guardian niuspepa i tokaut long planti keis bilong 'child abuse' o wokim no gut long ol pikinini na ol pikinini i laik bagarapim/kilim ol yet.

Ol ripot i tok planti ripot i kamap long ol i wokim no gut long ol meri i wok long

hap we sampela lain i laik wokim pasin no gut long ol.

Ol ripot i kamap bihain long Guardian i bin putim aut ol ripot long Nauru Fail we ol refuji i stap long asailam sika senta bilong ol refuji we Australia i sponsaim i wok long bungim ol hevi olsem abius o wokim

nogut long ol pikinini na ol meri.

Wanpela mausman bilong Imigresen Dipatmen bilongn Australia i tok ol i strongim ol refuji long ripotim ol trabel i karamapim yu seksuel abius o pasin long bagarapim na wokim no gut long ol meri na pikinini.

## Rasia i tok sispai long Syria i stap long hevi - Sutim tok long Amerika

RASIA i wokim tok lukaut olsem i gat bikpela kwesten mak long sispai o stop pait agrimen ol i kamapim long Syria wanpela wik i go pinis.

Dispela i bihain long ami bilong Amerika i bin karimaut ol ea straik long is bilong kantri we ol ami bilong Syria i stap na kilim dai 90 soldia bilong Syria.

Amerika i tok sori na i tok dispela em i mistek.

Em i tok em i bin tagetim Thanda maunten eria we gavman bilong Syria i wok long karimaut pait egensim ol Isis.

Em i tok em bai mekim ol wok painimaut long dispela mistek o asua.



## Goroka i selebretim indipendens

Caroline Tiriman i raitim

OL pipel bilong Goroka long lsten Hailans provins i bin makim PNG Indipendens De wantaim bikpela So na Bilum Festival.

Goroka So i makim tu 60 yia bilong en nau wantaim planti singsing grup, soim tu ol samting ol pipel i save groim long ol gaden bilong ol, na ol samting ol pipel i save mekim.

Dispela so i wanpela long ol olupela so tru long PNG, na em i save pulim planti turis tru i kam long ol narapela kantri.

Narapela samting em ol i save soim na salim long dis-



Ol bilum bilong PNG.

pela so em ol bilum we ol mama i save mekim.

Planti mama bilong planti hap long hailans na bikples PNG i bin stap long dispela Bilum Festival.

Florence Jaukae Kamel

promota bilong PNG Bilums i tok olsem Bilum Festival i save kisim bikpela helpim tru i kam long Pacific Trade Commission long Sydney na em i amamas tru long dispela kain helpim.

## Nupela Solomon Ailan buk

Caroline Tiriman i raitim

SOLOMON Ailan nau i stap long wanpela hap rot we em i mas lukluk long wanem samting em bai mekim bihainim ethnic tensions conflict o pait namel long ol wanpisin, taim lain bilong Rijinol Asistens Misin i wok long Solomon Ailan i lusim kantri.

Dispela tingting i stap insait long wanpela buk em sampela saveman bilong Australia na Pasifik i bin raitim na ol i kolim "State-building and State Formation in the Western Pacific: Solomon Islands in Transition".

Ol i bin lonsim dispela buk long Stet bilong

Pasifik konpres em Australian Nesenel Yunivesiti long Canberra i holim long dispela wik.

Dispela trabel long Solomon Ailan i bin kamap bihainim kros long graun.

Dokta Matthew Allen bilong stet, sosaiti na gavanens long Melanesian program wantaim Australian Nesenel Yunivesiti i wanpela long ol saveman em i bin raitim dispela buk i tokim Redio Australia olsem, planti pipel long Solomon Ailan i bin tokim em olsem taim Solomon Ailan i bin stap yet aninit long gavman bilong England, olgeta wok bilong gavman i bin helpim ol gut.

## Vanuatu i lonsim nesenel kava polisi

Sam Seke i raitim

GAVMAN bilong Vanuatu bai gat wanpela kava polisi ol bai kolim long National Kava Strategy na Kava Quality Standards long kantri.

Minista bilong Egrikalsa, Matai Seremaiah i bin lonsim dispela polisi long Port Vila long dispela wik.

Gavman i kamapim Kava Strategy bihain long g ol i bin lonsim National Coconut Strategy long Julai las yia.

Mista Seremaiah i tok nau gavman i lukluk i go het long sait bilong Prut na Vejetebol, Kopi na Kakao long Vanuatu.

Long sait bilong kava, minista i tok Vanuatu nau Vanuatu i gat siste long testim na rausim ol no gut kava i no inapim stendet ol i makim long en.

Egrikalsa saientis bilong Vanuatu i save gut long kava, Dokta Vincent Lebot i amamas long gavman i kamapim rot we ol narapela kantrei i gat long en long kontrolim dispela indastri o bisnis.

Dokta Lebot i tok kava em i bikpela samting long laip bilong olgeta pipel bilong Vanuatu olgeta de long sait bilong ikononi bilong kantri,

na em i gutpela long putim hai stendet long en.



Matai Seremaiah Vanuatu Minista bilong Egrikalsa.

## WNB Gavana i sapotim Sir Julius Atonomi tingting

Caroline Tiriman i raitim

GAVMAN bilong i mas lukluk nau long givim ol spesel atonomi go long ol provins em i laikim dispela kain gavman.

Sasindran Muthivel, Gavana bilong West New Britain provins i mekim dispela toktok bihain long wanwok bilong en bilong Nu Ailan provins Sir Julius Chan i bin tokaut long wik i go pinis olsem provins bilong en nau i gat atonomas Gavman.

Tasol, tingting bilong Sir Julius i no kisim sapot bilong nesenel gavman long Pot Mosbi.

Planti taim ol lida bilong Niugini Ailan rijon i save toktok long ol yet i lukautim planti wok bilong ol, wankain olsem ol Stet Gavman bilong Australia.

Ol dispela Gavana i save tok, bai ol i no nap bihainim kain gavman olsem long Bogenvil, tasol ol i laikim kain gavman we ol yet bai lukautim ol wok bisnis na tu wok bilong helt, edukesen na ol narapela samting.



# Goroka So i kamap wantaim stail

Siapea Loutova i raitim

TAIM olgeta hap bilong Papua Niugini i selebretim 41 independens eniveseri wantaim kain kain samting, ol pipel bilong Isten Hailans na ol narapela provins long hailans rijon na Momase i bin selebretim Goroka So.

Hia em sampela ol kala kala piksa i kamap long dispela taim.

1.



2.



3.



4.

- 1 Ol kange bilong Mt Hagen tui bin kirapim das long taim bilong namba 60 Goroka So long Isten Hailans we i bin kamap long Fraide long wik i go pinis we PNG tui bin selebretim namba 41 independens eniveseri. So i bin stat long Fraide na pinis long Sande.
- 2 Poto long antap i soim wampela memba bilong singsing grup bilong Simbai long Madang provins i paitim kundu na singsing long Goroka So.
- 3 Moa long wan handet singsing grup husat i bin kam long 21 provins long PNG i bin kapsait i go na kukim stret Goroka so graun long wiken i go pinis. Ol singsing grup bilong Huli long Hela Provins tu i bin kamap long singsing long dispela so. Tupela meri Goroka em Mou na Kristina i sanap na kisim poto wantaim tupela memba bilong Huli singsing grup.
- 4 Namba 41 independens eniveseri i bin bringim planti gutpela PNG kala long olgeta hap bilong PNG long taim kantri i selebretim dispela bikpela de long Fraide wik i go pinis. Na ripota bilong Wantok Niuspepa Sape Metta, meri bilong em, Helen na tumbuna George Haro i mekim dispela de i kamap spesel long ol tu na ol i putim na soim PNG kala long independens de na lukluk raun long Goroka So.
- 5 Ol meri Goroka long so.

Ol Poto: Loutova Siapea

5.





# PPC: Soim rispek long bisnis invesmen

James G. Kila i raitim

**MADANG** Provinsal Polis Komanda (PPC) Suprintenden Jacob Singura i tok ol pipel bilong Madang i mas kamap olsem papa bilong ol bisnis invesmen long provins na lukautim gut.

PPC Singura i mekim dispela toktok long Madang Invesmen Samit we i bin kamap las wik long Madang Risot Hotel.

Em i tok taim ol pipel i lukautim ol bisnis invesmen i wok long kamap long taun na provins, ol dispela bisnis bai lukautim ol taim ol i givim wok long ol pipel na dispela bai helpim long daunim hevi bilong lo na oda insait long provins.

Mista Singura i tok taim ol pipel i lain long rispektim ol foren invesmen long provins na ol i mekim wankain long ol gavman infrastraksa, ol bai gat sans bihain long

kisim gutpela helpim i kam long dispela ol infrastraksa.

Em i tok gavman wantaim praivet sekta i kam long Madang provins long givim sevis i go long ol pipel.

Madang Invesmen Samit we i bin kamap long Septemba 7 i go 9 i lukim lonsing bilong Madang Provinsal Invesmen Polisi (MPIP), lonsing bilong Ramu Developmen Faundesen na websait bilong en, saining bilong sampela memorandum ov agrimen na ol gutpela presentesen ol lain long gavman na praivet sekta i putim kamap.

MPIP em wankain olsem ol gavman polisi plen, na dispela em bilong provinsal gavman long skelim long mekim wok wantaim ol plen bilong Madang provinsal gavman long sait long sosel na ikonik developmen long provins.

Minista bilong Tred, Komes na Industri, Richard

Maru i bin opim samit na i givim bikpela salens long ol lida bilong Madang provins long stretim hevi bilong lo na oda pastaim long ol i askim long ol investa i go long provins bilong ol.

Mista Maru i tokaut stret olsem Madang taun i gat bikpela hevi i stap yet long ol setelmen na ol arapela samting.

Em i tok Madang pipel em ol gutpela lain bilong stap isi, tasol ol lain bilong ol arapela provins husat nau i stap long ol setelmen arere na insait long taun i wok long kamapim hevi planti taim na bagarapim gutpela nem bilong Madang.

Em i tok hevi bilong lo na oda em bikpela tru long Madang, na sapos provinsal gavman i laik bringim ol investa long go wokim bisnis long Madang, em mas lukluk moa long stretim ol hevi pastaim.

## O'Neill laik balus ran namel long Mosbi na Townsville

PRAIM Minista Peter O'Neill i laik ol wokman bilong gavman i mas stretim ol pepa long larim balus i ran namel long Pot Mosbi na Townsville long Not Queensland, Australia.

Mista O'Neill i autim tingting bilong em long larim balus i ran long dispela tupela siti bihain long em i bin go raun long Townsville long dispela wik.

Mista O'Neill i bin bungim ol lida man na gavman opisal bilong Not Queensland na toktok long opim transpot sistem namel long PNG na Not Queensland long larim ol bisnis na invesmen i groa.

"Planti manmeri long


PNG i laik go skul long Australia o go raun long malolo. Not Queensland em i klostu long PNG.

"Air Niugini i save ran i go long Cairns na Brisbane, tasol nau mi laikim ol gavman opis bilong yumi long stretim ol pepa wok long larim Air Niugini i ran i go long Townsville," Mista O'Neill i tok.

Taim balus i ran namel long dispela tupela siti, dispela bai kamapim wok bilong manmeri PNG, apim namba bilong turis i kam long PNG, na tu apim namba bilong ol bisnis manmeri husat i laik kam long PNG na inves long hia.

"Ol manmeri i laik go long ragbi bikos PNG Hunters i pilai long Intrust Super Kap bilong Queensland. Taim balus i ran namel long tupela siti bilong yumi, ol manmeri long PNG bai gat sans long go lukim Hunters i pilai long Townsville," Mista O'Neill i tok.

Em i tok dispela nupela rot bai helpim ol PNG Difens Fos, ol sumatin bilong PNG husat i laik skul long James Cook University, ol lain bilong pilai ragbi long Intrust Super Cup, ol turis bilong PNG husat i laik go raun long Townsville na ol bisnis manmeri bilong PNG husat i laik mekim bisnis long Australia.



Townsville em i wanpela siti long Not Queensland na em i stap namel long Cairns na Brisbane.

## Awanas Kopi bren promotim Domung kalsa bilong Raikos

James G. Kila i raitim

AWANAS KOPI em wanpela nupela bren kopi we ol smolholda fama long longwe ples tru long Raikos distrik i kamapim na i gat naispela teist bilong en we i winim ples pinis long nesenel kap teisting kompetisen long PNG.

Long 2014 Nesenel Kopi Kaping kompetisen em Kopi

i bin kamap namba foa.

Awanas Kopi em ol rurel fama long longwe ples tru long maunten bilong Raikos antap long Finistia rens i groim. Ol smolholda kopi gaden bilong ol fama i stap long naispela graun bilong Maun viles long Raikos distrik long Madang provins.

Awanas Kopi em ol rurel fama i groim long 1650 mita antap long maunten na solwara level, na dispela kopi em ol 302 memba bilong Awanas Kopi Kopretiv i kamapim.

Long las wik Awanas Kopi i bin stap long soim prodak bilong en long Madang Invesmen Samit. Ol i putim kamap wanpela stol long Madang Risot Hotel long Sugeng Aben Pak long soim kopi prodak bilong ol long paket, rosted bin na tu grain kopi.

Awanas Kopi em spesel stret bikos dispela prodak i promotim tu kalsa bilong ol Domung pipel husat i stap longwe tru antap long maunten bilong Raikos.

Antap long paket bilong Awanas Kopi ol lain long CIC i helpim ol lain bilong Maun viles long Raikos long promotim wanpela narakain

bilas we i pas wantaim kalsa bilong ol lain Domung pipel. Dispela bilas em ol i kolim "Mai" na bai em wanpela kain bilas we ol man tasol i save werim na singsing tum-buna. Dispela Mai bilas em spesel na save stap tasol namel long ol Domung pipel long Raikos distrik.

Antap long paket bilong Awanas Kopi em i stori long hap we Domung pipel i stap long en. Ol i stap antap tru long maunten long Raikos na save lukluk i go daun long Malalamai long nambis bilong Raikos.

Dispela Awanas Kopi em ol rurel smolholda fama i save bringim long bot yusim solwara long karim i go Madang taun na bihain ol i save muvim long rot i go long Lae long Morobe provins we ol i save prosesim long faktori na salim.

Planti lain husat i bin go long Madang Invesmen samit i bin go na lukim Awanas Kopi stol na i bin baim sampela paket long karim i go long teistim. Kopi ya em ogenik na ol i groim long maunten bilong Raikos stret na i promotim kopi industri long Madang provins na PNG.



Ol bikman bilong gavman i sindaun long Madang Invesmen samit. Foto: James G. Kila

## Sentral Benk bai gat brens long Lae

BANK ov PNG bai gat namba wan brens bilong em long Lae, Morobe Provins, Gavana Lo Bakani i tok.

Mista Bakani i tok Sentral Benk i laik bringim ol sevis i go daun klostu long ol pipel, na dispela i lukim ol i sainim wanpela agrimen wantaim lokal konstraksen kampani, L & A Construction, long kirapim nupela opis long Lae.

Mista Bakani i tok taim Sentral Benk i save mekim nupela mani, ol manmeri na bisnis haus i stap long Pot Mosbi tasol i save gat sans long kisim dispela sevis bikos Sentral Benk i no gat arapela brens long ol arapela senta long PNG.

"Mipela i laikim ol man-

meri na ol kampani long Lae na ol arapela ples long Morobe na Hailans long gat sans long kisim olgeta sevis mipela i save givim long pipel na bisnis," Mista Bakani i tok.

Em i tok ol i gat strongpela bilip long L & A Construction i ken kirapim dispela opis bilong ol na pinisim projek wok long taim.

"L & A Construction em i wanpela biknem konstraksen kampani bilong yumi yet. Mipela i sainim pinis agrimen wantaim papa bilong kampani, Sir Luciano Cragnolini. L & A Construction bai helpim mipela long kirapim dispela nupela haus o opis bilong mipela long Lae," Mista Bakani i tok.



Wanpela yangpela fama yet promotim Awanas Kopi long Sugeng Aben Pak long Madang Risot Hotel long taim bilong Madang Invesmen Samit. Foto: James G. Kila

Industri Kopresen (CIC) i bin kamapim na i lukim ol intenesenel lain bilong ovasis i kam long PNG long teistim kopi bilong yumi.

Awanas Kopi bilong Raikos



# Painim graun na planim diwai

James G. Kila i raitim

PNG Forest Atoriti (PNGFA) i ranim wanpela bikpela program ol i kolim "Operesen Painim Graun na Planim Diwai" na em bai kamap long Madang long mun Novemba.

Dispela program bai go tu long ol arapela provins long PNG.

Ekting Menesing Dairekta bilong PNGFA, Goodwill Amos i tokaut long dispela long Trinde, Septemba 7 taim em i toktok long Madang Invesmen Samit.

Em i tok olsem dispela opresen i go wantaim visen o plen bilong Nesenel Gavman, Visen 2050 na 2009 Nesenel Forest Dvelopmen Gaidlain long planim diwai antap long graun mak olsem 800,000 hekta inap long yia 2050.

Mista Amos i tok wanpela

plen bilong PNGFA long Madang provins em olsem em i mas gat Madang Provincial Fores Plen we ol i redim bihainim Seksen 49 bilong Forestri Ekt 1991. Narapela bikpela samting tu em i mas gat wok bilong sekim na kaunim ol samting insait long fores o bus long Madang provins, em ol i plenim long kamap long namba tu na tri kwata long 2017.

Em i tok PNGFA i gat bikpela bilip long Madang provins bikos i gat 79 pesen eria bilong en i gat bus na fores i stap na 50 pesen long dispela ol fores em i stap gut yet na no gat bagarap i kamap long en. Olsem na PNGFA i plen long menesim gut dispela fores na kamapim diwai plantesen long Madang provins insait long narapela 40 yia. Dispela bai kamap wantaim wanbel na wok bung namel long ol pipel na gavman bi-



Betty Daniel Abuta i klinim ol yangpela tik diwai long neseri long Erima long Astrolabe Be LLG long Madang provins. Poto:James G. Kila

long Madang.

Mista Amos i tok wanpela bikpela wok bilong sekim na kaunim ol diwai na ol bus na binatang na ol arapela samting long bus bai kamap long mun Oktoba 2016 long PNG. Dispela program ol i kolim multi-pepos Nesenel Fores Inventri (NFI) bai karamapim 1000 ol liklik eria we i gat fores na eria i gat ol kain kain diwai na ol wail abus na binatang long en.

Em i tok long Madang provins bai ol i glasim 54 klasta o eria bilong lukautim

na dispela wok bai kamap long namba tu na namba tri kwata long yia 2017.

Mista Amos i tok bikpela wok bilong PNG Forest Atoriti em i kamap bihainim Misin Stetmen o Wok mak bilong en em "Long was gut long bus, na diwai plantesen na was gut long ol diwai ya long kamapim wok na salim ol diwai long bringim gutpela helpim i kam long ol pipel bilong PNG long gutpela rot we i ken helpim fores tu i stap longpela taim.

## ADRA na NARI sainim egro agrimen

NESENEL Egrikalsa Risets Institut (NARI) aninit long MOMASE Rijonal Senta (MRC), sainim wanpela agrimen (MoU) wantaim Edventis Dvelopmen Rilif Ejensi (ADRA) long go pas long wanpela egrikalsa trening.

MRC Risets na Dvelopmen Kodineta, Dokta Peter Gendua i tok long taim bilong sainim MoU olsem ol i makim pinis sampela opisa long ranim dispela trening.

"Mipela i gat wanpela tim we i gat save long ol wan wan wok bilong ol na ol i ken helpim long ranim trening bilong ol komyuniti husat i kam insait long program," Dokta Gendua i tok.

Ol i makim 4-pela hap em Bumbu, Edmin Kompaun na Wod 4 na Wod 5 arere long Bumbu Wara, Lae, Morobe Provins.

Edmin Kompaun na Wod 4 na Wod 5 em ol hap we bikpela tait wara bilong Bumbu Wara i save mekim na ol pipel i save painim hat long wokim gaden taim wara i save kam antap.

Hevi bilong wara tait i save bagarapim planti komyuniti olsem na dispela patna projek bai traim long stetim dispela hevi, long lainim ol pipel long ol

i mas kisim save long lukautim ol yet taim hevi bilong wara tait i kamap.

NARI bai go pas long trening bilong wanem samting bai kamap bihain long ol i kamautim ol kaikai long gaden na long redim ol, na long wokim ol kaikai bilong laipstok long ol samting ol yet i groim long gaden we inap long stap strong long taim bilong san na long taim bilong ren.

Dokta Gendua i tok tripela komyuniti i stap insait long siti na i no gat bikpela graun olsem na ol i no inap long planim ol samting.

Tasol ol lain long Edmin Kompaun, Wod 4 na Wod 4 bilong Bumbu i ken senisim wantaim ol samting ol inap long baim long maket, long ol i kamapim plaua kaikai olsem bisket bilong famili kaikai na long salim.

Bumbi we i stap klostu long Bumayong, i gat inap graun long kamapim ol gaden bilong soim wei bilong planim ol kaikai inap stap strong long taim bilong san na long ol samting inap long karim gut kaikai.

Senia Projek Opisa bilong ADRA Margret Mandao i tok long taim bilong sainim MoU olsem ADRA i

save wok bung wantaim NARI long ol narapela projek pastaim na em i amamas long wok bung gen.

Mis Mandao i tok mani bilong ranim dispela paillet projek em i kam long UNDP Adaptesen Fan aninit long Opis bilong Klaimet Senis (OCC).

Morobe em i wanpela bilong ol 5-pela paillet projek. Ol narapela i stap long Nu Ireland, Is Sepik na Milen Be provins.

"Bipo mipela i save ranim ol kain program olsem long ol rurel komyuniti tasol nau mipela i senis na kam insait long ol eben o eria klostu long taun, bikos klaimet senis i wok long bagarapim tu ol eria klostu long ol taun," Mis Mandao i tok.

Em i tok egrikalsa trening bai helpim komyuniti long luksave long ol samting ol inap long kamap gut pastaim long wanpela bagarap inap kamap na wanem kain ol teknoloji ol inap long yusim long redim ol kaikai samting bihain long ol i kamautim na inap long lusim i stap longpela taim bihain.

Dispela projek wantaim sios bai stap 18 mun inap long pinis bilong dispela yia.

**WHITE TUNA FLAKES**  
**DIANA White**

**WHITE TUNA insait K 2.20**

**DIANA Barbecue Flavour**

*Tasty and Flavourful White Tuna for Everyone!*

Manufactured by: RD Tuna Canners Ltd.



# Ol Mustang i winim NRRRL gren fainal



Wanpela Murwillumbag Mustang memorial jampa i mekim memori bilong Grant Cook.

**OL Murwillumbah Mustang i kamap wina bilong Noten Riva Rijonal Ragbi Lig gren fainal.**

Dispela win i kamap bihain long pilaia bilong ol Mustang, Grant Cook, i dai long pilai graun long semi-fainal resis long wik i go.

Man husat i kamap namba wan long winim prais bilong resis, Wayde Kelly, i tok, olgeta pilaia i rispektim poro pilaia bilong ol na ol i kamaut long winim dispela resis long nem bilong Cook.

“Cook i bin laikim mipela long winim dispela resis na nau mipela i winim pinis,” Kelly i tok.

“Ol birua tim i bin slekim strong bilong mipela long tupela wik i go na mipela i no laikim dispela i ken

kamap long taim bilong fainal na nau tru mipela i mekim olsem.”

Kepten bilong ol Mustang, Sam O’Dea, i tok, “Dispela win em mipela bai no inap long lus tingting.”

“Olgeta lain i rispektim yumi long winim dispela resis na nau mipela i winim.

“Tenkyu long famili bilong Grant na ol pipel bilong Murwillumbah, Mul-lumbimby na Tweed komyuniti long sapatim mipela,” Sam i tok.

Long wankain taim, ragbi lig komyuniti i bung wankain long sapatim famili bilong Cook.

Man husat i go pas long Lig Faundesen, Neil Pringle, i tok olsem, ol i reisim mani mak long \$100,000 pinis.

“Dispela bai no inap long

kisim bek papa husat i dai pinis, nogat. Tasol, dispela mani bai helpim tupela pikinini, we bikpela i gat tripela krismas na liklik i gat 18 mun, wantaim yangpela mama bilong ol. Ol i gat planti taim i stap yet na ol bai nidim bikpela sapat,” Pringle i tok.

“Ol man bilong lig i no hat wok long kamapim dispela mani, nogat. Ol pipel i soim rispek bilong ol long Cook na i kam aut long laik bilong ol long givim mani.

“Mi gat strongpela tingting na bilip olsem ol i mas reisim mani moa long \$100,000 long Sande.

“Na tu, mi bilip olsem NRL, senia bodi, Kantri Ragbi Lig, QRL na ol senia man bilong Lig Opus long Sydney bai givim mani tu.”

## Ol Cowboy i win long ekstra taim

EKSTRA taim long Nesanel Ragbi Lig fainal namel long ol Not Kwinlan Cowboy na ol Brisbane Bronco i larim ol Cowboy long kisim 6-pela moa poin long daunim ol Bronco.

Ol Kwinlan i kamap wina wantaim 26-20 poin taim ol i skruim skoa long 85 minit na i go aut wantaim bel isi we namba wan pilaia bilong ol Johnathan Thurston i brukim banis bilong ol Brisbane na salim bal i go long Michael Morgan long putim trai.

Kosa bilong ol Bronco, Wayne Bennett, i bin toktok strong long ol Cowboy i bin win long gren fainal resis namel long tupela wankain tim wantaim golden poin



Michael Morgan i putim trai egensim ol Bronco long ekstra taim long yia i go.

Tasol bihain, tim bilong em i bin win long golden poin long raun namba foa resis bilong dispela sisen, na Bennett i luksave long dispela na em i

no mekim wanpela toktok gen taim tim bilong em i lus.

“Mi ting olsem mipela i bin pilai wankain na dispela em i trutru futbol resis mipela i bin pilai,” Bennett i tok.

## Carey i tok, Ecclestone i ran long F1 olsem diktetasip ...Rosberg i win long F1 resis

NUPELA siaman bilong Formula Wan Grup (FOG), Chase Carey, i go stap long taim bilong F1 kar resis aninit long nupela wok bilong em olsem Libeti Midia na i tok olsem, Bernie Ecclestone i resis moa long 40 yia long F1 resis.

“Bernie bai no inap long mekim olgeta lain i amamas long olgeta taim, tasol em i ken save gut olsem olgeta lain i laikim wanem samting na em i ken painim rot bilong dispela,” Carey i tok.

Kampani i tokaut pinis olsem ol i laik kamapim nupela F1 resis long sosel midia na ol i winim tingting bilong ol lain na mekim promosen we Carey i bungim planti bilong ol bikpela tim na ol i toktok long plen bilong ol long bihain taim pinis.

Long wankain taim, Ecclestone i tok orait long dispela tok hait bilong ol na i tok



Nico Rosberg i amamas long em i win long F1 kar resis long Singapore, wantaim Daniel Ricciardo i sanap namba tu long lep na Lewis Hamilton i stap namba tri.

long stap olsem CEO bilong F1 long tripela moa yia i kam, tasol em i no gutpela rot long mekim olsem.

“Bernie i mekim gut, tasol mi ting olsem i gat sampela level i stap bilong yumi i ken kisim Formula Wan tu,” Carey i tok.

Nico Rosberg bilong Mercedes i apim nem bilong tim

bilong em taim ol i win long Singapore bihain long resis i kamap long 2015 we em i bin kamap namba foa.

“Mipela i mekim gut long yia i go, tasol Red Bull na Ferrari i bagarapim resis bilong mipela na mipela i save long wanem hap mipela i asua. Mipela bai kam bek na daunim ol,” Rosberg i tok.

## Ol Raider bai pilai preliminari fainal egensim ol Storm

OL Canberra Raider i daunim ol Penrith Panther, 22-12, long semi fainal na ol bai pilai preliminari fainal egensim ol maina premia, Melbourne Storm long dispela wiken.

Dispela em i namba wan taim bilong ol Raider long go insait long gren fainal kwalifaia inap long Supa Lig sisen i bin kamap long 1997, na 21,498 sapota bilong ol Raider husat i stap insait long Canberra Stediam i amamas long lukim tim bilong ol i mekim gut.

Pilai namel long tupela tim long Sande apinun i kamap strong, tasol ol Raider i kisim moa strong long asples bilong ol na ol i bin putim 4-pela trai pas na



Shannon Boyd na Josh Papalii i takolim Peter Wallace.

putim mak long skoa bod wantaim 20 poin we tupela konvesen kik i no go insait.

Klostu long pinis bilong namba tu hap bilong resis, ol Panther i strongim sait bilong ol na i bekim tupela trai we ol i skruim poin i kam antap long 12 poin.

Tasol, i no gat inap taim na ol Raider i kisim tupela poin long wanpela penelti kik taim referi i bin givim wanpela penelti egensim ol Panther. Ol i skruim skoa i go antap long 22 na daunim ol Panther wantaim 10 poin.

## Andy na Jamie Murray i win



Andy na Jamie Murray i pilai strong na i winim semi fainal resis bilong Davis Kap resis.

TUPELA tenis pilaia bilong Briten, Andy na Jamie Murray, i bin soim stail bilong tupela na i daunim ol Argentina long semi fainal resis bilong Davis Kap long Glasgow long las wik Sarere apinun.

Ol i bin winim dispela resis insait long tupela aua na 54 minit wantaim 6-1, 3-6, 6-4, 6-4.

Jamie i putim han bilong em antap long solda bilong brata bilong em na i tok, “Mi pilaia wantaim brata bilong mi long ai bilong planti pipel bilong Scots em i bikpela samting bikos em i pait.”

“Mi gat bikpela amamas tu long dispela namba wan resis we mipela i win. Jamie i pilai gut long stat bilong

resis i go inap long pinis bilong resis na mi ting olsem mipela bai pilai olsem gen,” Andy i tok.

Andy Murray i no pilai gut, tasol Jamie i strongim em na ol i winim dispela resis.

Insait long wanpela aua, Argentina i kisim 4-0 daun insait long 16 poin na Jamie i kisim bal bek.





# Ramu NiCo sanap strong long Projek MoA – Presiden Wang



Ramu NiCo save helpim long kamapim bisnis trening long Projek eria bilong em olsem long Uria.

**MASKI** planti salens tru i bungim Ramu NiCo Menesmen (MCC) Ltd, em i sanap strong yet long helpim komyuniti em i stap long en aninit long memorandum ov agri-men (MoA) em i sainim.

Presiden bilong Ramu NiCo (MCC) i mekim dispela strongpela toktok long Madang Invesmen Samit long Septemba 8, 2016. Ramu NiCo i bin helpim dispela invesmen samit wantaim K10,000 na antap long dispela Ramu NiCo.

Mista Wang i tokaut fran long ol lida bilong Madang provins na ol bisnis investa na ol lain bilong Madang.

Mista Wang i tokaut olsem aninit long Projek MoA, Kampani i amamas long helpim ol papagraun insait long Projek eria na tu helpim long givim bisnis long ol. Kampani i amamas long helpim wantaim skul fi sabidi, egrikalsa

sapot na ol arapela sosio-ekonomik helpim.

Ramu NiCo i bin givim helpim tu outsait long MoA, taim em i givim ol risos bilong en long wokim bris, rot, klasrum, ol helt klinik, givim kapa ruf long ol papagraun na ronim ol egrikalsa trening long helpim komyuniti.

Mista Wang i tok total donesin stat long 2006 inap 2016 em moa long K1.7 milien, grent mani helpim long wan wan mun i go long Lenona Asosiesen stat long 2006 i kam 2016 em moa long K2.3 milien. Edukesen sabisidi helpim stat long 2006 i kam 2016 em moa long K350,000, na medikol saplai program em moa long K588,000 na ol bisnis wok i go long ol papagraun em total em mak olsem K63.8 milien.

Wok strong na bilip bilong Kampani long lukautim bus, graun, wara, na solwara i go wantaim Operesenel Envairomen Menes-

men Plan (OEMP) Gavman aninit long Konsevesen na Envairomen Proteksen Atoriti (CEPA) we em i givim long 2011 long menesim gut envairomen long taim bilong op-eresen bilong Projek.

Pasin bilong harim tok na bihainim oda, hatwok bilong Kampani i karim kaikai long mun Julai 2016. Gavman wantaim Mineral Risoses Atoriti (MRA) i bin luksave na amamas long strongpela wok bilong Ramu NiCo na i givim mipela Pemanent Main Operesenel Permit. Mains Inspektoret bilong MRA i givim tu loging permit long katim daun ol bikipela diwai long Kurumbukari Main eria long wok maining i kamap, na arapela permit tu MRA i givim long brukim ston we em i pasim pas-

taim tasol i rausim gen long larim wok bilong blasting long laimston eria i ken go het.

Stat long mun Julai na go het Ramu NiCo Projek i ken karimaut wok operesen bilong em wantaim ful atoriti o tokorait i kam long PNG Gavman aninit long MRA.

Mista Wang i tok tenkyu long ol stekholda olsem ol papagraun na Madang provinsal gavman long bilip ol i gat long dispela projek.

“Mipela i gat strongpela bilip long bringim dispela Projek i go kamap gutpela long helpim bisnis na investmen long Madang provins,


“Mipela bai sapotim gavman na wok klostu wantaim gavman long bringim ol arapela investa i kam long Madang provins,” Mista Wang i tok.



Ramu NiCo save bringim aweanes long ol skul long projek eria.



Ramu NiCo givim bisnis long ol papagraun kampani bilong en olsem Raibus Enjiniaring Limited (REL).



135 KM Slurry Pipeline

KBK Mining

BSK Refinery



## RLWC 2017 i makim Clemenger BBDO

RAGBI Lig Wol Kap 2017 (RLWC 2017) i makim Clemenger BBDO Sydney olsem krietiv ejensi bilong tonamen na em bai go pas long bikpela krietiv kempen long promotim resis bai kamap long yia i kam.

Resis bilong RLWC 2017 bai kamap namel long Oktoba 27 i go inap long Desemba 2, 2017, na Australia na Nu Silan bai lukautim dispela resis.

Long wankain taim, tripela pul gem bai kamap long Papua Niugini. Dispela tonamen em i bikpela resis insait long rijon na moa long

450,000 manmeri bai bung long lukim Ragbi Lig Wol Kap resis.

Jenerel Menesa Komesel na Maketing bilong RLWC 2017, Rohan Sawyer, i tok, "Mipela i go long maket long lukluk long sampela gutpela tingting we yumi bai amamasim ragbi lig, komyuniti na wol.

"Clemenger BBDO tim i givim wanpela tingting we i save amamasim talen na skil bilong ol pilaia long Ragbi Lig Wol Kap resis long yia i kam.

"I gat planti namba wan spot pilaia i save stap long ol-

geta hap long wol we planti lain i no save long ol bikos ol i no save pilai long NRL o Inglis Supa Lig. Tasol ol i save trening strong na pilai ragbi lig we ol bai kam pilai long Australia, Nu Silan na PNG na ol pipel bai lukim kala bilong ol long taim bilong Wol Kap resis," Sawyer i tok.

Clemenger bai stat wok long dispela mun.

Eksekutiv Krietiv Dairekta bilong Clemenger BBDO, Paul Nagy, i tok, "Olsem Ragbi Lig sapota, dispela em i bikpela samting long wok wantaim Wol Kap tim."

## RLWC 2017 resis i makim media bilong resis

RAGBI Lig Wol Kap 2017 (RLWC2017) i makim ol nius lain bilong taim bilong resis bai kamap bilong helpim ol long promotim tonamen bai kamap long Australia na Nu Silan long pinis bilong yia i kam, 2017.

Resis bai kamap aninit long plen bilong media na ol i givim wok long ol long karim aut awenes bilong RLWC 2017 bai kamap we planti lain i ken go na lukim ol wan wan gem.

Jenerel Menesa bilong Komesal na Maketing, Rohan Sawyer, i tok, "Mipela i amamas long gut-

pela tingting bilong ol resis tim bilong Ragbi Lig long givim olgeta media sevis we mipela i nidim long en.

"Ogenaising Komite bilong RLWC 2017 i lukluk long pulumapim ol sia bilong sindaun na lukim pilai wantaim moa long 450,000 sapota, we dispela bai setim rekot, na mipela i gat strongpela tingting olsem, wantaim sapot bilong resis mipela bai kamapim dispela tonamen bilong amamasim Ragbi Lig, komyuniti na wol."

Ol 14 tim bai pilai 28 gem insait long 13 siti long RLWC 2017 resis bai kamap namel

long 27 Oktoba na 2 Desemba, 2017, we i gat tripela pul resis bai kamap long Papua Niugini.

CEO bilong media bilong resis, John Preston, i tok, "Yumi bai kamap wanlain bilong RLWC 2017 tim. Dispela em i bikpela resis na yumi i gat bipela wok long mekim.

Ol i bin makim 11 tim pinis na tripela tim em ol bai makim long Yuropan Kwali-faing Tonamen bai kamap long Oktoba na Novemba long dispela yia.

Ol tim husat i resis yet em Wales, Irleand, Rasia, Serbia, Italy na Spein.

## Yokomo winim 2016 sofbal klap sempionsip

YOKOMO i daunim ol Difens, 9-1, long gren fainal bilong ol man long PNG Pawa Nesanel Sofbal Klap resis long las wik Sande apinun.

Ol Yokomo i no bin givim liklik sans long ol Difens na winim taitel bilong klap long ai bilong moa long 500 manmeri long Rebiatul pilai graun long Mt Hagen, Westen Hailans Provins.

Ol i bin statim long top bilong namba tu ining taim Mark Tomangana i mekim wanpela gutpela hit i larim Paul Bogan long skoaim namba wan ran.

Bihain, Taki Zale na David Upaupa i go kamap sef long bes na Dane Chan paitim bal strong we tripela wantaim i kam kamap long hom long wankain pilai.

Ol Difens i painim hat long holim ol na ol Yokomo i kisim ol ran yet na skruim poin i go antap long 6-0.

Bihain ol Difens i strongim ol yet long kisim namba wan ran bilong ol, tasol ol Yokomo i go het long skoaim planti ran.

Yokomo i winim K7,000 prais mani taim Difens i kamap namba tu na winim K5,000.



Membua bilong Yokomo tim i amamas na i soim tropi na sil bilong ol.

## Nesanel Karate Sempionsip bai kamap long Novemba

**PAPUA Niugini Karate-Do Federesen bai go pas long namba 27 Nesanel Karate sempionsip resis long mun Novemba bilong dispela yia.**

Resis bai kamap long Pot Mosbi long Novemba 4 i go inap long Novemba 6 na ol bai pait long Kumite (Sparring) na Kata (pattern) bilong wan wan yia grup na weit divisen.

Ol grup bai pait long kata em ol paita husat i gat 8-9 krismas, 10-11 krismas, 12-13 krismas, ol kadet (14-15 krismas), ol junia (16-17 krismas), anda 21 (18-20 krismas) na ol senia.

Ol grup aninit long kumite resis em ol paita husat i gat 8 krismas, 9 krismas, 10 krismas, 11 krismas, 12 krismas, kadet, junia, anda 21 na senia.

Olgeta iven em ol Wol Karate Federesen (WKF) resis na ol bai bihainim ol lo bilong WKF long taim bilong resis. Dispela i olsem i no gat wanpela ful kontek spering, tameshiwari (breaking) na

kobudo (weapon) resis bai kamap.

Ol klap husat i laik resis i mas baim yia afiliesen fi long federesen.

Presiden bilong PNG Karate-Do Federesen, Carl Mari, i strongim ol klap na asosiesen long ol i ken stat long stretim ol tim bilong ol na stretim transpot nau long abrusim sampela hat taim bai kamap long las minit.

Em i tok nesanel sempionsip em i namba wan resis long kalenda bilong federesen na i laikim olgeta long stap wantaim.

"Nesanel Sempionsip em i hap we Federesen i save painimaut ol etlit na putim ol i go insait long ol intenesenel resis, na PNG Gems i helpim ol long painimaut ol etlit i gat namba wan talen bilong developim ol long pilai long ol resis bai kamap long bihain," Mari i tok.

Em i stap long Noumea, Nu Kaledonia, we em i go long bung bilong Osenia Karate Federesen (OKF)

Kongres, na i tok olsem OKF i tok orait long OKF senia sempionsip bai kamap long ol wan wan yia long resis long Osenia Sempionsip i save kamap tupela taim long wanpela yia.

Dispela disisen em ol i mekim long larim ol etlit bilong Osenia long kisim gutpela poin bilong go insait long 2020 Olimpik kwalifikesen.

Namba wan OKF senia sempionsip resis bai kamap long Epril, 2017, long Sydney, Australia, na bihain, bikpela OKF sempionsip bai kamap long 2018.

Long dispela as tingting, i gat seleksen bai kamap long PNG Karate tim long taim bilong PNG Nesanel Karate Sempionsip bai kamap long Novemba bilong mekim wok redi long go resis long OKF senia sempionsip long Epril, 2017.

Long wankain taim, ol i strongim ol senia etlit long resis tu long Nesanel Sempionsip bikos ol bai i gat sans long go insait long seleksen.

## Pilai graun bilong PNG Gems long Kimbe i pinis

PLANTI fesiliti bilong PNG Gems long Kimbe, Wes Nu Briten Provins, em ol i wokim yet na sampela i pinis.

Ol i wokim 5-pela mini stedium we tupela long Kimbe taun i bilong lukautim trek na fil resis, na narapela stedium em bai lukautim ol bal gem olsem volibol, soka, na basketbal.

Nivani Konstraksen Kampani i wok yet long pinisim ol dispela wok.

Ol narapela tripela stedium em ol i wokim longwe long taun. Tupela em ol i wokim sampela mita longwe long boda bilong taun long Kulingi na Kapore, na wanpela stedium em ol i wokim long Hoskins, ausait

long ples balus.

Ol lokal sab kontrakta i go pas long ol wok long ol hap bilong pilai ausait long taun eria, na i gat sampela liklik eria tasol i stap yet bilong pinisim wok.

Tupela stedium long Hoskins na Kapore mini stedium em ol i mekim pinis na redi long gem bai stat.

## Ol meri POMRFL bai opim PM XIII

TUPELA tim bilong ol meri long Pot Mosbi Ragbi Futbal Lig (POMRFL) bai opim Praim Minista XIII long dispela wiken.

Praim Minista XIII resis namel long Australia na Papua Niugini bai kamap long Sarere, Septemba 24, long Nesanel Futbal Stedium.

Tupela tim bilong ol meri em Paga Panther na Royal, husat i bin go long gren fail bilong SP POMRFL gren fainal bilong ol meri.

Bod Siaman bilong POMRFL, Dr James Naipo, i tok, resis bilong ol meri long dispela yia i soim olsem promosen bilong jenda ikwaliti long spot.

PNG na Su Saut WelsAnda 16 tim tu bai opim

gem na pilai.

Australia PM XIII tim bai kam long kantri tude na NGCB PNG PM XIII bai

makim kepten bilong ol long Fraide apinun.

Resis bai stat 4.30 apinun long Sarere.



Pilaia bilong Royal i karim bal na ran egensim ol Paga Panther long taim bilong gren fainal resis bilong ol.



## Tebel tenis sempionsip bai kamap long dispela wiken

PAPUA Niugini Open Tebel Tenis Sempionsip resis bilong 2016 bai kamap long dispela wiken long Rita Flynn Indo Stediam long Pot Mosbi.

Sempionsip em ol bai stat long 24 Septemba i go inap 25 Septemba na dua i op long ol lain husat i laik long resis, olsem ol bipo pilaiana kopret bodi.

Presiden bilong PNG Tebel Tenis Federesen, George Shao, i tok ol bai resis olsem;

- Ol boi aninit long 12 krismas - singel

- Ol meri aninit long 12 krismas - singel
- Ol boi aninit long 18 krismas - singel
- Ol meri aninit long 18 krismas - singel
- Junia- dabol
- Open meri - dabol
- Open meri - singel
- Open miks - dabol
- Open man - dabol
- Open man - singel
- Para iven - singel,
- sapos sampela i pilai.

Em i tok olsem olgeta resis bai pilai tripela gem na ol i makim K5 long ol wan wan divisen.

## Mead na tripela pilai bai malolo long PM XIII

OL pilai bilong Papua Niugini Kumul, David Mead, Nene Macdonald, Ray Thompson na Rhyse Martin bai no inap pilai wantaim Papu Niugini long Praim Minista XIII egensim Praim Minista XIII bilong Australia long Sarere long Pot Mosbi.

Mead, husat i bin kamap kepten bilong ol Kumul long taim bilong tes resis egensim ol Fiji na ol PNG i daunim ol Fiji wantaim tupela poin, 24-22, long mun Me, bai no inap pilai long Sarere bikos em i bin kisim bagarap long pinga bilong han bilong em.

Mead i pilai bilong Gold Coast Titan na em i bin kisim bagarap taim ol i bin pilai egensim ol Cronulla Shark long namba 21 raun bilong Nesenel Ragbi Lig resis.

Sif Eksekutiv Opisa bilong PNG Ragbi Futbal Lig, Bob Cutmore, i tok, ol 4-pela man em ol i hat long pilai long PM XIII bikos long i gat sampela tingting i stap.

“David i wok long kalap kalap long ol klap na em i bin kisim bagarap na nau em bai go long haus sik long taim bilong PM XIII,” Cutmore i tok.

“Nene i bin go long Sydney long pilai wantaim ol St George Illawarra na i stap long wankain pasin we em i save muv i go kam long ol tim.

“Martin i go long pilai wantaim ol Canterbury Bulldogs long stap bilong dispela mun, i gat ol wok i stap yet na laik stap long Townsville na pilai long ol NRL resis,” Cutmore i tok.

Em i tok moa olsem Thompson i kamap wan lain bilong ol Not Kwinslan Cowboy skwat na ol i stap long NRL fainal na em bai no inap pilai.

Ol i no kisim Kato Otia bikos ol sait bilong em i stap long Nu Saut Wels Kap fainal na wankain long Kurt Batiste bilong ol Canberra Raider.

Namba wan pilai bilong NRL na Orijin, Greg Inglis, bai kamap kepten bilong ol Australia na mipela i redi long makim ol pilai i save stap long Kwinslan, Mead, Macdonald, Thompson, Martin na Willie Minoga bilong Townsville Blackhawk wantaim ol 7-pela pilai bilong PNG Hunter long strongim PNG sait, tasol ol pilai i save stap long PNG tasol bai pilai.

“Mipela bai pilai yet wantaim ol pilai mipela i makim pinis,” Cutmore i tok.

“Mipela i save olsem dispela resis em i namba wan na i gat bikpela mining, we em i no tes resis o Wol Kap Gem, nogat. Dispela em i poro resis we mipela i save pilai long olgeta yia na em i namba wan aidia, na sampela taim ol profesenel pilai i mas lukluk long ol dispela samting gut. Nau ol i no mekim olsem na mipela i makim ol pilai husat i save pilai long PNG yet.”

Long sait bilong Kumul i bin daunim Fiji long Tes resis na i lukluk long lukautim tripela gem bilong Ragbi Lig Wol Kap 2017 resis i kirapim tingting bilong ol PNG na ol i redi long ol Australia bai kam tude.

# Ol Binatang i salens gut long Kwinslan

**ANDA 14 Papua Niugini Developmen Binatang i bin lus, 40-21, egensim ol Brisbane Saut Is long Kwinslan long anda 14 Stet Developmen resis long Australia long Mande apinun, tasol ol i bin pilai wanpela strongpela resis.**

Ol boi i no kisim gutpela skoa, tasol ol i bin pilai wanpela gutpela gem we ol i takol strong na painim rot bilong putim trai.

Kevin Chan i bin soim kala bilong em gut long pilai graun na em i ran strong long salim bal i go kam.

Curtly Ila i kisim sampela strongpela takol long namba wan hap bilong resis bipo long em i pilai long fowod lain.

Junior Dokup i soim kala bilong em tu long ful bek na



Ol Anda 14 Papua Niugini Developmen Binatang i amamas bikos ol i pilai gut.

Martin Antiko na Bartholomew Talania i redim sampela bikpela fowod presa bilong ol Brisbane Saut Is long kisim ribaun.

Ol pilai husat i soim kala

long pilai graun em Junior Dokup, Curtly Ila, Kevin Chan, Daniel Koivi na Balthasar Talania, na ol pilai husat i skoaim gol em Carl Kaiyage, Kevin Chan na Martin Antiko.

Tasol, fainal skoa i sanap olsem, 5-10-40 long ol BSE na 3-3-21 long PNG. Ol i bin pilai gem namba tu long Tunde, 4.30 apinun, long Maroochydore AFC.

## Ol i salim kopret boks bilong FIFA Wol Kap

FIFA anda-20 Wol Kap resis bilong ol meri i stat salim ol kopret boks long ol praivet na pablik sekta long dispela wik Mande.

Ol kopret boks i stap long Sir John Guise Stediam na Nesenel Futbal Stediam (NFS) tasol.

Prais bilong ol kopret boks em ol bai givim aninit long oda bilong ol grup resis inap long fainal.

Ol kopret boks bai inapim 12-pela lain long wan wan boks, tasol i no long ol hap bilong putim kar, kaikai na dabol heda resis.

Long Grup resis em K5,000 long ol wan wan boks, kwata fainal em K8,000 long wan wan boks, semi fainal em K10,000 long wan wan boks na gren

fainal em K15,000 long wan wan boks.

Ol i salim kopret boks wantaim gutpela pekej we ol bai givim VIP eria bilong putim kar, gutpela hap bilong sindaun, na ol bai givim kaikai na wara aninit long ol resis we ol bai makim long en.

Ol bai givim dispela gutpela pekej aninit long ol wan wan boks long K10,000.

CEO bilong Lokal Ogenaising Komiti, Seamus Marten, i tok ol kopret boks em ol i salim hariap bikos ol bai laikim ol pipel long ol i gat inap taim long baim na plen wantaim ol klin na woklain bilong ol.

“Ol kopret boks i stap long Sir John Guise na Nesenel Futbal Stediam em ol

i putim long gutpela hap na i givim sans long ol kampani long amamasim ol klain bilong ol taim ol i lukim ol dabol heda gem.

“Gutpela pekej bilong mipela i givim bikpela luksave long senia menesmen na ol bod i lukluk gut namel long ol yet taim ol i salim i go.

“I gat liklik namba bilong boks na pekej i stap na mipela i laikim olgeta kopret na pablik sekta long bukum spes bilong ol nau,” Marten i tok.

Em i tok moa olsem liklik namba bilong pekej na tiket tu bai ol i givim long pablik na praivet sekta long Oktoba 1.

Wol Kap resis bai stat long Novemba 13 na pinis long Desemba 3 na ol bai stat salim ol tiket long Novemba 1.



CEO bilong Lokal Ogenaising Komiti, Seamus Marten, na wok poro bilong em i soim pepa bilong kopret boks.





Sampela bilong ol NGCB PMs 13 i wok long trening long Sarere pilai namel long PMs 13 bilong Australia



Ol Junia Hoki tim bilong Mosbi i redi long kisim pilai graun.



Susa em Maskot bilong FIFA Anda 20 wol kap bai kamap long Mosbi long Novemba. Susa i raun long Independen De na bungim ol pikinini long ring rot long Mosbi.



Hoki tonamen long Mosbi namel long Oldis na Senia.




Spaika bilong tim Hula i redi long spaikim bal taim ol bung Vava long gren fainol pilai bilong Nesenel Volibal Sempionsip long Mosbi. Vava i winim tripela set long kisim taitel 12-pela yia olgeta.



Sapota bilong Vava Volibal Klap i amamas na danis wantaim stail.





WHITE TUNA FLAKES  
**DIANA White**



Manufactured by:  
RD Tuna Cannery Ltd.

WHITE TUNA  
insait  
**K 2.20**



*Tasty and Flavourful White Tuna for Everyone!*

# Hetman bilong ARL na RLWC 2017 bai kam long PNG tude

SIF Eksekutiv Opisa bilong Ragbi Lig Wol Kap 2017 (RLWC 2017), Andrew Hill, na Siaman bilong Australian Ragbi Lig (ARL) Komisin, John Grant, bai kam long Pot Mosbi tude long bung wantam Papua Niugini Ragbi Futbal Lig long Fraide na lukim namba 12 yia NGCB Praim Minista XIII resis namel long Australia na Papua Niugini long Sarere.

Siaman bilong PNGRFL, Sandis Tsaka, i tok Hill na sapat tim bilong em bai kam long Pot Mosbi long namba tri taim bung bilong Pot

Mosbi Host Siti Kodinesen bai kamap long Nesenel Futbal Stediam long Fraide.

"Bung em ol bai tok tok long ol apdet bilong ol trenspot, haus slip na sekyuriti program bilong ol narapela tim bai kam long RLWC2017 resis," Tsaka i tok.

Em i tok moa olsem, gavman, ol mausman bilong siti bai lukautim gem na ol narapela stekhoda bai stap wantaim long bung na tok tok.

Siaman i tok moa olsem ol bai go lukim Sir John Guise Stediam na

Nesenel Futbal Stediam em ol pilai graun we tripela pul gem bai kamap long yia i kam.

"Poroman na ol traim resis bilong PNG LNG Kumul em i wanpela agenda tu we ol bai tok tok long taim bilong bung," Tsaka i tok.

Em i tok ol toktok bai kamap namel wantaim hetman bilong ARL Komisin, John Grant, em ol bai toktok long wanem rot ol bai helpim na developim ragbi lig gem long kantri na rijon.

"Dispela toktok bai strongim na helpim PNGRFL long painim gut-

pela rot i go aut long bungim gutpela developmen bai kamap long sait bilong ragbi long bihain," Tsaka i tok.

Em i tok moa olsem, ol bai kam lukim NGCB Praim Minista XIII resis long Sarere i soim olsem resis namel long tupela kantri i gat bikpela veliu.

"Makim maus bilong PNGRFL, Bod, woklain na ragbi lig freteniti long PNG, mi skruim welkam bilong mi i go long Andrew Hill na John Grant long kam long Papua Niugini," Tsaka i tok.

Ol bai lusim kantri long Sande.



**PNG EM MI YA:** Willie Minoga bilong Townsville Blackhawks i kam joinim ol boi bilong em long PNG NGCB PMs 13 long wiken. Em i kilim skin long trenning wantaim ol narapela pilaia bilong SP Hunters na Digicel Kap. Em tasol tu i kam long PNG long stap insait long PMs 13 ragbi namel long PNG na Australia. Ol narapela bik nem pilaia bilong PNG husat i save pilai long NRL i no kam joinim NGCB PMs 13. Poto: Nicky Bernard



# ISUZU N-SERIES

*the Perfect Business Partner.*